


特 別
^18
4892
9





~18
4892
9

明詩綜卷二十



小長蘆 朱彝尊 錄

新安 朱從延 緝評



馬 愉 一首

愉字性和臨朐人宣德丁未賜進士第一仕至
禮部右侍郎兼侍講學士有澹軒集

題高漫士雲山圖

白雲縹緲亂山深最喜幽居傍翠岑茅屋幾家松栝暗
石梯五丈薜蘿侵門前流水通南浦邨外長橋接北林
有客抱琴何處至祇知來共歲寒心

蕭 鉉 二首

明詩綜卷二十

鉉字孟勤泰和人宣德丁未進士累官太子少師戶部尚書兼翰林院學士有尚約集

靜志居詩話蕭鵬舉學詩於劉棧翁當日宋景濂烏繼善劉仲脩交稱之官師鵬舉之子家法不墜

樂隱為尹克俊賦

行愛溪中水坐愛溪上山富貴非所願蓬門晝常關清風天外來入我窗牖間豈無一尊酒可以銷憂顏葉落驚秋徂鳥啼知春還既忘足與非寧復虞險艱雅志固如此高蹤安可攀

題九鷺圖

宣德年間邊景昭彩色翎毛稱獨步近時林良用水墨落筆往往皆天趣鴛鴦鳧雁清溪流寒鴉古木長林幽

閒來得意即揮灑一埽萬里江南秋此圖九鷺真奇絕散立清煙乍明滅日長坐久看轉親飄來點點青天雪翱翔霄漢殊不驚欲下未下渾有情潛蹤獨趁水邊食延頸忽向蘆中鳴吁嗟林生精藝有如此座客見之誰不喜洞庭湘渚在眼前暝色慘澹涼飈起方今聖主覃恩波四海山澤無虞羅悠悠羣鷺各自適雖有鷹鷂奈爾何

林文一首

文字恒簡莆田人宣德庚戌賜進士第三累官太常寺少卿兼翰林院學士贈禮部右侍郎謚

襄敏有澹軒集

謝山子云公詩多韻外之致與網齋相去不遠

秋景

水已澄秋色峰看淡落暉鴈投寒渚下漁逐暮潮歸古
寺初鳴磬孤城半掩扉行人從喚渡舟子去如飛

方 熙 一首

熙字孟明莆田人宣德庚戌進士改庶吉士出

為潮州府通判

古別離

愁心不自聊撫我孤桐琴絲桐感人意絃急無好音拂
衣起歎息逍遙獨行吟遠望別離處江空煙水深

徐有貞 二首

有貞初名理字元玉吳縣人宣德癸丑進士選

庶吉士授編修歷春坊諭德擢僉都御史天順

初用奪門功拜華蓋殿大學士兵部尚書封武

功伯未幾下獄戍金齒尋赦還卒有武功集錢受

之云元玉志在經世詩文
取通達不屑雕章飾句

詩話武功羽林
之作源出右丞

羽林子 二首

珠袍年少子名冠羽林中獨佩流星劍雙懸明月弓陪

游向何處還入華清宮

羽箭插腰間駢弓臂上彎自從來日馭長得侍天顏借

問歸何晚長楊射獵還

李 賢 一首

賢字原德鄧州人宣德癸丑進士授吏部主事
歷郎中擢兵部右侍郎改戶部旋改吏部進尚
書入直文淵閣終少保兼太子太保華蓋殿大
學士卒贈太師謚文達有古穰正續集

詩話內閣紅芍藥一本宣宗移自南大內植焉代宗增植二本左純白
右深紅七年未花裕陵復辟徐武功有貞許襄敏彬薛文清瑄李文達
賢同時入為學士中一本恰開四花其一久而不落既而三人皆去惟
文達獨留明年春萌芽左二右三中一本甚多而彭文憲時呂文懿原
林葉敏文劉文安定之倪文僖謙錢文通溥李侍郎紹黃講學諫同升
學士凡八人文達因約花時共賞夏四月開八花是日講學不至明日
復開一花僉謂講學當之文達乃主賞花會賦詩者四十人裒成一集
蓋自宣德八年本院有文淵閣賞芍詞未有若是會之盛者至正德中
大學士梁儲楊一清猶有詩倡和嘉靖初長洲陸榮為庶吉士賦詩云
此花初種自宣皇百曲雕闌七寶妝玉堂學士看花早賦成芸閣留詩
草度其時遺種尚
存其後不可問矣

城上烏

城上烏啼月將落城外秋風起寥廓烏聲啼罷露華晞
曙色蒼涼照長薄都門車馬集如雲離筵勸酒何殷勤
酒闌人去權歌發明日烏啼何處聞

吳 高 一首

高字尚志歸善人宣德癸丑進士除刑部主事
歷員外郎遷福建參政

黃洞山

惠陽十萬家采薪皆此處荷葉蓋頭歸知是前山雨

姜 洪 一首

洪字啓洪樂安人宣德癸丑進士改庶吉士歷
修撰有松岡集

題畫

碧山高樹雨初晴風動懸蘿雜鳥聲
簾幕晝垂茅屋靜幽人何處斲黃精

王 誼 六首

誼字內敬紹興山陰人宣德初待詔翰林預修國史以子佑貴封工部右侍郎

詩話內敬兄弟皆能遠師太白一時之希聲也

古意

獻玉無良媒漂淪寡歡豫壯齡已非昔
馳暉日西鴛鴦如木無榮柯修條亦成故
一感式微吟吁嗟在中路

關山別意

蓮葉未青時沙頭話別離舟行期早發
日晏未曾移遲迴一何久念我平生友
莫問去程遙且盡杯中酒君今住何處
萬里長城路路遠人迹稀黃雲黯朝暮
隴阪歷敲傾雙輪不暫停時聞嗚咽水流
作斷腸聲驅車無少息又度長蘆北
八月鴈南飛天山草俱白橫笛在高樓
關山月裏愁離人聽此曲白盡少年頭

魏楚白云學供奉長于詞得其形似

九日稽山懷古

山水自如昨古人今復誰雲煙謝家墅
松柏禹陵祠聖代身全老秋天景易悲
毋將搖落意相對菊花枝

班婕妤

玉簫夜涼新秋蛾暗裏顰如何天上月
獨照掌中人

宗了相不

幽思
無限

春思

山映簾櫳水映窗
浣紗人在苧蘿江
年年三月梨花雨
門掩東風燕子雙

画梅

揚州詩閣掩芳塵
萬萼千葩冷照春
十里珠簾一聲笛
東風腸斷倚樓人

王 懌 三首

懌字内悅紹興山陰人誼之弟正統初官溧水

知縣

江南意

郎居橫江口妾住橫江上
生小慣風波蓮舟喜搖蕩蕩
舟蓮花灣花紅照人顏
舉頭見郎來低頭隱花間
花疎不成隱相見還相哂
都緣愁思深留連夕陽盡
前浦伴將稀那能不相違
含情明月下各自擢歌歸

班婕妤

自失傾城寵花顏落舊紅
霜飛金屋冷月照錦帷空
侍寢昭陽日休辭玉輦同
當知長信妾團扇泣秋風

周青士云似劉

平方

段七孃

度曲千金賤凝妝一面紅
聲迷銅雀妓豔奪館娃僮
白雪飄朱閣香塵散綺櫳
淚前司馬袖腸斷使君驄
秋水

涵瞳潤春山入黛濃弄簫驚紫鳳拂軫怨離鴻鏡展金
鸞月釵橫玉燕風謝孃收鈿匣嬴女掩香筒石竹簾芳
髻芙蓉隱繡幃燈然珠樹側人醉錦蓮中粲粲星輝戶
微微露洗空幾年憐宋玉今夕遇韓馮密意蜂攢蕊芳
心蝶戀蕞春牋封豆蔻羅帶綰芎藭步障重拋錦門鋪
疊綴銅曲闌裝翡翠高榭噪花蟲鴛睡煙濛柳烏棲月
浸桐銀觥休鑿落瓊箭起丁東客散歌屏冷香昏睡閣
融日高春夢覺嬌纈散花綾

陸麗京云全首非金荃亦非香奩頗似李長吉惱公之作

劉經一首

經泰和人宣德中新鄭儒學訓導

鳳皇臺

崇臺洧水濱昔有鳳皇集朝陽不復鳴荒基徒屹立漠
漠飛塵紅萋萋豐草碧鳳兮去不回使我空歎息

周旋一首

旋字中規永嘉人正統丙辰賜進士第一授翰林修撰進侍講兼左春坊左庶子有畏菴集

霜林晚節圖

朔風何蕭蕭嚴霜亦浩浩維此歲載陰羣芳盡枯槁懿
彼松柏心堅貞長自保春風桃李花春雨靡蕪草紛紛
競顏色第逞一時好

劉定之一首

定之字主靜永新人正統丙辰賜進士第三人

成化初以太常少卿兼侍讀學士直內閣進侍

郎卒謚文安有呆齋集李賓之云劉文安不喜為詩縱其學力往往有出語奇崛用事精當

者安公石云呆齋以淵博之學英敏之才發為文章名蓋一時獨於韻語若未解者然

義山

家居禾川渚義山日對面悵未得登臨此心徒健羨今
春雪中來半塗足已倦顧視萬坡陀茫然莫可辨巖蘿
冒飛靈林葉響急霰俛若赴井汲仰疑登塔旋奇觀豈
神助寒苦亦吾願日暮抵山麓小溪亂石濺僕夫指龍
湫時或出雷電信宿留山間陰晴已千變仁里固有鄰
誅茅從所便嗟我四方人安得長眷戀

沈 淳 一首

淳字惟厚嘉興人正統丙辰進士官吏部員外
郎有拙菴集

閒居

天上抽簪萬里迴秋風黃菊滿籬開翟公不復為廷尉
姑負賓朋日往來

劉 珏 三首

珏字廷美長洲人正統戊午舉人除刑部主事

歷官山西按察僉事有完菴集王濟之云完菴詩能以眼前語道胸中事有唐

人風 錢受之云廷美工於唐律時人稱為劉八句

朱仙鎮岳王祠

鄜北師還事已休憑誰重報靖康讎洛中故國非周土

江左新亭半楚囚和議自遺千載辱蠟書空送兩宮愁
傷心多少英雄淚付與漳河日夜流

泊舟垂虹橋

貫酒烹鱸敵暮寒垂虹橋上倚闌干行人笑指詩翁嬾
不到城中訪縣官

梅

歲寒相見在天涯玉色珠光帶露華笑殺玄都狂道士
種桃何不種梅花

戴璉一首

璉南海人正統戊午舉人官訓導以子縉貴贈
工部尚書

送梁瑾赴春闈

江亭日落鷓鴣啼酒盡沙頭惜解攜離思不堪成去住
宦情無那易東西清秋野戍聞寒角殘月山城聽曉雞
明日思君還北望暮雲煙樹晚悽悽

張和 三首

和字節之崑山人正統己未進士授南京刑部
主事進員外郎陞浙江提學副使有篠菴集

言云節之寓目
成韻風采蘊藉

送劉文羽入京

臨歧一杯酒為君歌遠游人生如浮萍聚散焉能謀落
日照大江長風吹行舟江花與江水離恨同悠悠

過桐君山

霧斷山疑合川迴路忽分秋聲兩岸葉曉色萬峰雲旅
鴈衝帆度寒蟬隔水聞嚴陵遺跡在我欲問桐君

送龔進士文彥

雪後關河見鴈稀感時傷別思依依吳門煙月期同醉
天路雲山又獨歸官驛暮帆隨雨落江城寒鳥背人飛
京華此去誰先達惆悵丘園只布衣

祝顥一首

顥字惟清長洲人正統己未進士授南京刑科
給事中陞山西左參議轉右參政

夜宿無錫

辭家無百里離思已紛紛旅泊今宵始鄉音此地分汀
沙籠宿霧星月挂疎雲回首寒山寺鐘聲杳不聞

成始終一首

始終字敬之無錫人正統己未進士河南道御
史出為湖廣按察僉事有蓬菴觀光紀行等集

山家

竹籬茅屋似農家細路緣江盡白沙落日叩門山客至
鷓鴣啼上石楠花

倪謙一首

謙字克讓錢塘人徙上元正統己未賜進士第
三人累官南京禮部尚書贈太子少保謚文僖

有玉堂南宮上谷歸田等稟

題白鹿仙人圖

百尺松陰石磴重千年白鹿澗邊逢仙人月底吹簫去
知向緱山第幾峰

呂原 十首

原字逢原秀水人正統壬戌賜進士第二除翰
林編修歷右春坊大學士轉通政司右參議仍
入為翰林院學士以母喪歸卒贈禮部右侍郎

謚文懿有介菴集

李原德云公端謹篤實士也詩有
典則音律渾厚無纖巧靡麗之態

詩話文懿不以詩名所為古風引伸曲喻
不求工而自然精切此有德者之言也

古風 十首

天運無停機造物有消息雪見暝日消日逢中乃昃飄
風固須臾暴雨亦頃刻溝潦寧常盈江河無久溢枯楊
華暫生朽壤菌虛植繁英易憔悴病葉早狼籍浮雲能
幾時初月豈終夕細推皆自然達觀又奚感慨彼聲利
徒擾擾竟何益

泰終否斯受賁盡剥乃續日中漸西移月盈竟東朐平
久鮮無陂往久靡不復樂極悲自來進銳退恒速安弗
持則危滿不損乃覆高位多疾顛厚味每藏毒至盛當
遭衰苦寒必生燠萬事無不然禍福相倚伏
通犀為角戕文豹綠皮剥蚌懷珠致剖麝含香被搏翠
因羽美殘龜以甲靈灼鸚鵡慧入籠鷓鴣鷲受縛鐸以

聲自毀膏以明自爍的張弓矢中林茂斧斤斫直木取
易摧甘井汲先涸忠直志常蹇聰明命多薄行高毀或
來事修訪或作取禍因天才君子當自度

薰蕕不同藏冰炭不同器杓鑿每齟齬蘭艾常嫌忌燕
禽肯戀吳越馬匪思冀水投石難入矛遇盾弗利道異
不相謀事殊不相爲學古而居今落落與時背

陰陽匪齊盛日月弗並明五行難俱旺四時豈同更一
淵不兩蛟一池無二鯨鷺鳥少雙集猛獸稀羣行秦暴
楚乃弱吳強越乃爭鄰薄君必厚都大國始傾左長右
斯短首重尾即輕兩雄肯俱立兩貴弗相能讒進衆賢
退正消羣枉升四凶如不去元凱何由登保身在明哲

吾嗟古人情

木從繩則正薪受斧乃析輕重平以衡長短度於尺規
矩制方員繩墨司曲直浣布須賴灰攻玉必資石金就
礪方利火被水斯熄凡物有相制用之在人識

湛露晞於陽冰雪消以日咻出衆楚人齊傳寤無術蕪
彼滿車薪杯水救奚恤一君子獨愛百小人羣嫉不敵
有如斯勢力固難必

泮林集飛鷁食葑懷好音惡人謹齋沐承祀亦居歆瓦
石變和玉鉛鐵成南金化惡以爲美君子當存心

愛敬舍吾親德禮悖所事少者或陵長賤者或妨貴骨
肉情已疎而篤朋友義妾媵欺令妻螟蛉剿同氣鬪葺

列尊顯聖賢皆退避讒諛志得伸方正多遺棄盜跖稱
守廉伯夷號貪利不肖謂為賢不才謂為智用人積薪
然居高乃後至足上首顧下冠履易其位曲鈞榮侯封
直絃斃路次黃老先六經大道俱埽地狼莠正繁滋芳
蘭亦憔悴本末既舛逆事理斯倒置君子安其常勿為
時軒輊
懷人寘頃筐卷耳采不盈爵祿靡入心飯牛有肥牲左
規右執矩方員豈竝成目明非兩視耳聰非兩聽心專
使二用智者亦鮮能

姚夔一首

夔字大章桐廬人正統壬戌進士累官禮部尚

書調吏部加太子少保卒贈少保謚文敏有墓

直隴堆棠

詩話文敏久領容臺修明禮樂其於先賢祀典聞必舉行因錢長沙澍
之請而建祠賈誼之井因章布政繪之疏而樹碑比干之祠因商學士
輅之章追封董仲舒等伯爵因左吏部贊之奏而修護李泰伯之塋他
若為金華四先生及劉因立祠皆有裨名教自公沒而程敏政建議於
前張孚敬順之於後舉凡戴聖劉向鄭眾賈逵何休馬融服虔鄭玄盧
植王肅王弼杜預范甯等一十三人從祀孔子之廡者皆罷之真天資
刻薄人所為也文敏過忠州予陸宣公墓賦詩云一讀遺文數行淚拜
瞻松柏不勝悲因而訪李吉甫白居易胡旦諸公皆謫此地問有祠否
土人為言故有今廢乃檢行囊廩米一石倡之屬州守
廣文修舉作祠以勉其成焉可以規程張諸老也已

下峽

瞿塘天下險巫峽勢相連夾岸千尋壁中流一罅天山
空無獸迹江逼少人煙唯聽鼙鼙鼓朝牽百丈船

韓雍一首

明詩紀卷二十一
十三
雍字永熙吳縣人正統壬戌進士累官總督兩
廣軍務右都御史卒贈襄毅有集

江行懷天全侗軒諸老

西江北塞嶺南孺奔走風塵三十年勇退未能心已倦
專征纔歇夢猶懸自緣衰體纏多病敢向明時話獨賢
苦憶鄉園諸大老西風先泛五湖船

項忠 二首

忠字蓋臣嘉興人正統壬戌進士授刑部主事
歷員外郎中陞廣東按察副使改山東遷陝西
按察使陞右副都御史進左都御史刑部尚書
改兵部卒贈太子太保謚襄毅有藏史居集

詩話襄毅以功業顯詩文罕傳其里居日結樵李者其之會月一集於
僧房道院中同會者雲南布政司參議金禮敬之四川按察司僉事梅
江文淵福建按察司僉事戴枯元吉漳州知府姜諒用真武岡知州伍
方公矩碭山知縣包鼎汝和通判湯彥和教授陳蒙福主之者公也會
始於弘治戊午春所賦詩文文淵景為一集府
學教授新淦蕭子鵬序之比於香山洛社云

出清遠峽野望

行盡溪中路蒼茫見遠天歸猿啼一作平林開曉日飛鳥入寒

煙綠樹江頭驛黃茅郭外田孤懷無限思望斷白雲邊

題宋徽宗画碧桃鸚鵡

五國城邊掩淚時汴梁宮闕已無遺爭如鸚鵡知春色
獨占東風第一枝

商輅 一首

輅字弘載淳安人正統乙丑賜進士第一累官

少保兼太子少保吏部尚書謹身殿大學士贈
太傅謚文毅有素菴集

李德恢云太傅詩寫性情雍容雅澹有陶韋風

題春景山水

愛此佳山水春來景更妍四郊青嶂合孤岫白雲連地
迴輪蹄絕峰危石磴懸小橋臨曲澗遠浦接平田鬱鬱
林間寺潺潺竹下泉桑麻凝暮藹榆柳繞晴川寶殿凌
千尺茅堂敞數椽僧歸西嶺月漁釣北溪煙倒浸沈波
塔閒橫古渡船樓高平見日松老不知年鳥度浮嵐外
鷗飛落照邊吟筇芳草徑酒旆杏花天隔岸聞鶯語開
軒待鶴旋砌苔深染黛林籟細鳴絃有路通仙境無塵
遠市廛家山在圖畫觸目思飄然

葉

盛 四首

盛字與中崑山人正統乙丑進士授兵科給事
出為山西右參政累官吏部左侍郎卒謚文
莊有涇東臺

詩話文莊中外歎歷不遑寧居而見一異書雖殘編蠹簡必依格繕寫
儲藏之目為卷止二萬餘然奇秘者多亞於冊府二百年來子姓蕃衍
瓜分豆剖難以復聚今披萊竹堂書目譬諸商鼎泗鼎要非近代物惜
不可得而覩矣詩特餘事選家恒置不錄近其裔孫始重鐫刻行之然
有德必有言後之
學者所當諷誦也

題畫

綠樹青山漾碧流畫中風景似揚州隔江明滅漁人火
出岸高低估客舟去燕來鴻千古事閑花野草一春愁
不知誰在紅塵外獨向蕃釐觀裏游

重送徐汝陽

繡衣驄馬珊瑚鞭看君文采何翩翩河梁話別未三月
天府論功今六年近郭好山碧於玉邊淮遠樹青堆煙
歸塗有懷須寄我莫惜便鴻雲錦箋

和尚原

和尚原頭日未西肩輿來此重攀躋可憐宋主功垂就
不道金人計已迷往事已隨深谷變青山還與白雲齊
道傍草樹淒風起疑是將軍鐵馬嘶

曲子驛

戎衣脫却下蕭關坐對環泉半日閒未是老來筋力倦
馬蹄歸自賀蘭山

史

敏一首

敏字德敏淮安衛人一云定海人正統乙丑進士歷官

河南右參政

岳武穆祠

鄂國英風萬古存當時一死不堪論難將片石補天缺
空恨浮雲蔽日昏南渡自安新割據中原誰復舊乾坤
至今人過朱仙廟便對斜陽拭淚痕

劉

昌一首

昌字欽謨吳縣人正統乙丑進士授南京工部
主事歷員外轉工部郎中出為河南提學副使
遷廣東參政有胥臺鳳臺金臺嵩臺越臺諸橐

詩話欽謨無題五首不脫元人舊染而世顧稱之昔晉人之譏劉輿也謂輿猶賦近則汙人若欽謨及瞿宗吉楊君謙張君王之豔詩其不汙人也
僅矣

春眺

端居秉高志道與黃綺謀耿耿千歲懷安能一朝酬青
陽肇嘉節義馭逝不留樹木發華滋綠葉揚芳柔上有
鳴春鳥嚶嚶求匹儔踟躕不能寐攬衣起行遊况復有
良朋分若金石投攜手出西郭眷言山水幽祓除激清
波眺遠陟高丘西北臨廣路巍巍列飛樓誰人為燕會
交親結綢繆光景忽西馳娛樂殊未休豈不念合併欲
邁路阻修顧望勿復道回身駕輕舟折彼蕙蘭花聊以
忘我憂繆天自云是篇特能絕去肥膩

八月三日直內閣楊少保延話率口呈此

翠玉樓臺映碧虛上皇曾此駐鸞輿當時侍一作從皆能
事只說相如有諫書

卞榮三首

榮字華伯江陰人正統乙丑進士官戶部郎中

有蘭堂集

錢受之云華伯在景泰間盛有詩名居郎署二十年朝
騎南歸持贖乞詩者擁塞戶限日應百篇風馳雨灑今
所傳卞郎中集往往率易凡近叫踟躕突但以敏捷為能事無可諷詠
者永宣後風尚大都如此丘念先云蘭堂集詩幾二千篇獨無五言
古而五言近體亦少蓋非其所長云

林良雙鴈圖為王學士廷貴兄廷彥賦

林君善画天下無海注墨汁傾金壺金門承詔屢揮灑
餘子碌碌非吾徒既不画丹鳳棲碧梧又不画文鴛依

綠蒲特作槐堂雙鴈圖涼風颯颯吹黃蘆一鴈俯啄秋
江菰一鴈翹首如相呼乘軒恥隨衛懿鶴化鳥嬾逐王
喬鳧吾知林君有深意此圖將以比兄弟槐堂兄弟今
二難同德同心本同氣芳名豈但動一時勝事終當傳
百世丹青我已重林君手足誰能似王氏宣王有道美
鴻鴈周公多才賦常棣顧子淺薄敢題詩三月紫荊花
底醉

寄隱者

曾訪巖棲處金鵝石榻前歌君紫芝曲和我白雲篇火
宿燒丹竈煙生種玉田林泉無限好三聘未幡然

歸來吟

日落春申港雲歸巫子門沙洲半江水楊柳數家邨

陳獻章 廿八首

獻章字公甫新會人正統丁卯舉人用薦授翰

林檢討卒謚文恭從祀孔廟有白沙集

李賓之云白沙詩極有聲

韻有風致但世人未之擇耳 林待用云先生詩涵養粹完脫落清灑獨超造物牢籠之外而寓言寄興於風煙水月之間蓋有舞雩陋巷之風焉 楊用修云白沙詩五言冲淡有靖節遺意然賞識者少徒見其七言近體效簡齋康節之渣滓至於筋斗樣子打乖箇裏如禪家呵佛罵祖之語殆是傳燈錄偈子非詩也 王元美云公甫詩不入法文不入體又不入題而其妙處有超出法與體及題之外者 俞汝成云白沙詩從擊壤中來當另作一家看要之藝林不可無者 詩話成化間白沙詩與定山齊稱號陳莊體然白沙雖宗擊壤源出柴桑其言曰論詩當論性情論性情先論風韻無風韻則無詩矣故所作猶未隨惡道非定山比也其云百鍊不如莊定山蓋謙辭爾

贈陳秉常

遠色霽初景清風振遙林子來入我室弄我花間琴正
聲一何長幽思亦已深願留一千歲贈子瑤池音

藤蓑

新蓑藤葉青舊蓑藤葉白新故理則然胡為浪忻戚扁
舟西浦口坐望南山石東風吹新蓑浩蕩滄溟黑須臾
月東上萬里天一碧安得同心人婆娑共今夕

拉馬玄真看山

官府治簿書倥偬多苦辛文士弄筆硯著述勞心神而
我獨無事隱几忘昏晨南山轉蒼翠可望亦可親歲暮
如勿往枉是最閒人近來飲酒者惟我與子真能移柳
間舫同泛江門津

紫菊吟寄林時嘉

嚴霜百卉枯三徑挺秋菊綠葉明紫英微風遞寒馥懷
哉種花人杳在江一曲遺我盎中金南窗伴幽獨時無
續騷手憔悴誰當錄且脫頭上巾茅柴今可漉

秋興

西風振庭木虛堂夜蕭蕭攬衣步明月歸鴈雙飄飄天
地豈予獨知音不可招冥心祈有合悵望空雲霄

有懷世卿

時雨日夕來郊原藹新綠白雲被重崖下映寒塘曲情
結竹上言魂銷井邊躅三年隔瀟湘書至不可讀

題新村書齋壁

茅棟依巖靜柴門斫竹通桑榆巷南北煙火埭西東一
逕漁樵入孤村井臼同鄰家得美酒吹笛月明中

晚步

水國秋先至江村晚更幽泥筌收郭索山網落輟軒涼
入社門樹陰連渡口舟獨憐經略地吾得放歌遊

龍谿寄馬元真

我家久住龍谿上說著龍溪便有情荔子不將梨鬪美
沙螺羞與蠃爭衡江村婦女蕉衫窄市巷兒郎木屐輕
漫與詩多誰和我樽前忙殺馬先生

重約馬默齋外海看山

春風擬進赤泥洲曾約看山共此遊落蕊忽過三月半

先生能復一來不不堪老我癡猶在且喜嬌兒病已瘳
想得渡頭楊柳樹清陰閒弄釣魚舟

種樹

早雨山泥滑屐牙瘦藤扶路入雲斜東原綠映西原白
一徑松連兩徑花寒夜試看殘月掛東風須著短牆遮
江門亦是東門地我獨胡為不種瓜

訪客舟中

船頭載春酒船尾閣春沙恰到溪窮處山山積殼花

九日

霜前淡淡花瓢內深深酒今日陶淵明廬山作重九

贈張叔亨侍御

天下原無事勞勞我有心相攜沙上語山月二更深
贈釣伴

短短萋蒿淺淺灣夕陽倒影對南山大船鼓柁唱歌去
小艇得魚吹笛還

歇馬大徑山

數家煙火隔林塘一樹寒花晚自香黃葉冢頭聊歇馬
鷓鴣聲裏近斜陽

東軒獨坐

桃花寂寞梨花開山中薄酒三五杯村西有客可人意
風雨今朝期不來

社中

社屋新成燕子來山丹未落野棠開三三兩兩兒童戲
弄水板花日幾回

梅花

沙籠寒月樹籠煙香徹龍溪水底天斜隔竹林窺未得
更尋西路上漁船

桃花

雲鎖千峰午未開桃花流水更天台劉郎莫記歸時路
只許劉郎一度來

柳渡頭答鄉友

溪南溪北荔支垂五月荷花乍放時忽有酒船邀半路
三杯不記主人誰

大田看山

春泥沒屐大田潮溪北初經獨木橋千丈峰頭望東海
三山恰對杖頭瓢

留姜仁夫

雲去雲來等是浮獨凭高閣看江流南風莫送東歸客
更共江門一日游

彈子磯候默齋不至

軍人打鼓泊官船黑霧濛濛水下灘隔岸相呼不相見
竹籠牽火上桅竿

南雄讀羅一峰記書院文

丘墳何處草離離千里湖西夢覺時落日小池橋上路

催人下馬讀殘碑

鄒吏目書至有作

落花遙對石城春半篋殘書一病身茶筴粟餅供客盡
不妨人笑長官貧

落花

落花半落流水香鳴鳩互鳴春日長美人別我隔江浦
欲來不來空斷腸

古耶道中有懷

翠煙浮隴麥初齊社樹青青獨鳥啼何處相思不相見
木棉花下水門西

方謨一首

目擢檢討
謨字昌言歸安人正統丁卯舉人由翰林院孔

遊春

黃鳥嚶嚶啼水東柳絲千尺繫春風清溪小舫載歌舞
滿郭好花紛白紅有酒莫辭今日醉何人却是百年翁
請看十畝王孫宅芳草淒迷夕照中

岳正一首

正字季方灤縣人正統戊辰賜進士第三天順
初以左贊善兼修撰直文淵閣降欽州同知謫
戍肅州成化初復官未幾出為興化知府卒謚
文肅有類博彙

李賓之云茅泉詩亦雅健脫俗

營建紀成詩

自序天眷美營建也

詩話季方謂作詩既要平仄又要對偶安得許多工夫頗以吟詠為苦而天眷之作亦復成章

天眷皇明誕命高祖俯建萬方定都江許如龍斯蟠如
虎斯踞以朝以會以享以祀逖矣厥謨欽于世世一天
眷皇明亦啓文祖為厥孫謀聿又胥宇碣石之西太行
之東有嚴厥宮四海是同維帝即祚夙夜顧諟神既
受職民亦綏祉乃繼乃述乃經乃營戢此土工為萬國
宗有赫朝堂有翼廟廷瑣瑣公府總總偕興土方耕
矣女方箴矣曾是不驚奏功成矣匪臣之功伊民之
力匪民之力維帝之則帝曰匪予文祖之德天相文祖
爛其營室

五

劉 珣 一首

珣字叔溫壽光人正統戊辰進士累官太子太保戶部尚書兼謹身殿大學士卒贈太保謚文

和有古直先生集

徐時用云公書法飄逸行草尤長詩文清新流麗無矯飾語李賓之云公於詩興

之所到筆不能闕而無毫髮點綴呻吟之病

詩話文和詩率意塗寫不事剪裁亦間有合格處其送龍溪潘榮宗用詩云同年喜有九尚書九尚書者省州萬文康安循吉歷城尹恭簡是同仁博野劉文穆吉祐之華亭張莊懿榮尚文三原王端毅恕宗貫甫田陳康懿俊士英其一則潘與劉皆正統十三年同榜也宗用仕為南戶部尚書八人皆有易名之典惟潘闕焉

白頭鳥

殘蓼枯荷八月秋枝間獨立更遲留憐渠本是無情物何事而今也白頭

汪回顯 一首

回顯字汝光祁門人正統戊辰進士除戶部主事出知惠州府

聞 媛

使蜀三年未得歸青山樓閣倚斜暉媛聲久聽渾閒事却笑巴人淚滿衣

鄭文康 一首

文康字時又崑山人正統戊辰進士不仕有平

橋集

錢受之云時又家居枕籍經史雖病不少休好為詩文捐物操觚頃刻千百言多紀載時事有益勸懲而文尤簡質有法度

詩話平橋集文勝於詩嘗從徐立齋閣老借含經堂所藏本讀之愛其簡質有類石守道尹師魯諸公詩亦蘊藉

寄海上韓杲

行盡清谿到水涯好山環繞故人家寥寥一犬柴門外
只隔橋東幾樹花

倪敬一首

敬字汝敬無錫人正統戊辰進士官監察御史
有月樓集

題画

溪雲靄靄樹團團溪上幽亭六月寒日暮看山人已去
水禽飛上石闌干

詩話宋毛珣吾竹題蘇子美滄浪亭詩云日暮客歸園館閉鷺鷥
飛上石碁盤侍御題画作頗與相類然知非所襲不妨竝垂也

夏寅一首

寅字正夫松江華亭人正統戊辰進士除南京

吏部主事歷郎中陞江西提學副使參政浙江
遷山東右布政使有史詠紀行集李賓之云東南士
大夫每不喜夏詩

謂有頤巾氣也 王元美云夏正夫如鄉里
老人衣錦見達官非不嚴麗但寒鄙可厭
詩話正夫名亞
欽謨方劉似勝

虔州懷古

宋家後葉如東晉南渡虔州更可哀
母后撤簾行在所相臣開府濟時才
虎頭城向江心起龍脈泉從地下來
人代興亡今又古春風回首鬱孤臺

周鼎六首

鼎字伯器嘉善人正統中官沐陽典史有桐村
疑舫齋土苴集都元敬云先生以文名浙西土苴集二卷詩不
止是然不期驚人而人自驚不期去陳言而陳

言自無不去宋人惟山谷老人不隨人後說者稱其能出新意若先生詩可傳已陸秀卿云先生雖文士而學務實用如議水利鑿鑿不迂故金榮襄公薦之謂可居館閣乃卒不遇姑託文以自見依隱玩世多鏗鏘幼眇之音其志亦可悲矣錢受之云伯器博極經史為弟子師例當以掾曹得官謝病不就正統中大征閩寇沐陽伯金忠參贊軍務辟置幕下與千戶龔遂奇從數騎入尤溪山岩降其眾而還幕府不知也寇平遇土木之難格其賞久之授沐陽典史坐累下獄事白致仕遊三吳賣文為活吳中慕志譜牒皆出其手俞右吉云伯器文勝於詩

詩話桐村開濟之略戎幕宣勞顧一尉白頭又遭意以之誦哀哉斯人實命不淑同時杜州牧庠貽詩云功名已覺邯鄲夢衰老猶耕谷口田汪縣令貴詩云白首九旬還向學黃梁一夢總成虛呂太常憲詩云斯文籍籍歸輿論何物區區戀抱關沈處士周詩云山縣軍書前吏迹墓堂文字老生涯吳江史處士鑑詩云行誼故絕人文章復名世碑版照南州煌煌自無替集中詩題有未死作云在塗嗟未歸行棠日已負正如風中絮未肯沒車塵嘲鴈云何地不虞網此身非故鄉誦之使人心惻詩不見佳第取拾人遺唾亦有志之士明古實師事之

勸農

二月二日天作雨縣官府官齊出城白頭父老花間迎

亦有牧兒先馬行牛亦不避馬不驚
饁者自饁耕者耕東村西村鼓笛聲
願得守令在柴荆田家年來解留客
新婦炊秔姑磨麥

送黃給事使滿刺國封王

遠國來王日深恩冊拜時
璽書中禁出天語使臣知
路指諸蕃近山行四牡遲
故人青瑣夢無限五雲思

江行

萬里雲濤上孤帆一羽輕
霜清天宇闊沙白海潮平
山寺欲浮動鄰舟偶合併
瓊花尚無恙回首廣陵城

湯陰旌忠廟

墓木南枝說武林北來祠宇又湯陰
鷓啼故國春何在

馬躡中原日已深未死姦諛誰請劍至今忠義尚霑襟
千秋此地歸英魄風雨靈旗儼若臨

林和靖先生墓

一丘千古獨巋然只少梅花抱墓田結就巢居猶昨日
塑來鶴立自何年淡煙流水斜陽外芳草新亭古岸邊
欲去徘徊城月上裏湖猶有未歸船

冬夜

寶篆沈煙白銀屏燄燭紅不知窗外雪撩亂撥春蟲

王清一首

清字一寧合肥人世襲濟寧衛指揮陞廣東都
指揮死於寇難有建索集

塞上感懷

西風關外雪初晴懷古思鄉百感生玉帳枕戈人萬里
鐵衣傳箭夜三更夢回絕域烏桓地戰罷空山敕勒營
烽火微茫天路遠月中鴻雁起秋聲

郭登十二首

登字元登武定侯英諸孫景泰初官都督僉事
守大同以功封定襄伯英廟復辟謫戍甘肅成
化初復爵卒贈侯謚忠武有聯珠集

李賓之云國朝武臣能詩者莫

過郭定襄詩話定襄力捍牧圉功存社稷聯珠一集繼父兄掉鞅詩壇西涯以為
明初武臣之冠即其山王楸樹諸篇力已排集至詠梟之作直兼張王
韓朴之長豈惟武臣一時亭閣諸公孰出其右錫山
俞汝成乃謂可式後之為勳衛者是替者之言也

題蔣廷暉小景

我家南山中柴門別經久不知今春來新添幾株柳清
江閒釣竹鷗鷺還來否對此忽相思長歌獨搔首

自公安至雲南辰沅道中謁山王祠

山王廟在山深處烏鴉亂啼烏柏樹神威猙獰怖殺人
朱吻長牙者倒豎紅綃抹頭袍袖結手按黃蛇啗其舌
短碑不題神姓名蕪詞漫書唐歲月陰風颯颯吹靈旗
夜聞甲馬空中嘶老巫開門馬無跡但見狐鳴鬼嘯鶴
鷗啼山前居民種禾黍歲歲求晴復求雨神靈不靈誰
得知老巫分明作神語往來行人多再拜爐中無香畏
神怪唱歌打鼓燒紙錢蒼鵝白羊朝暮賽還把殘餘拋

野草神意歡欣烏亦飽老巫丁寧客無慮萬水千山放
心去

楸子樹

并序

去歲于蒙太監家移栽此樹當就結實繁衍今
年春令已深草木皆萌蘖而獨此枯瘁略無生
意土俗相傳以為栽樹當歲著花特餘氣耳來
歲則否必三年而後如故予甚信之偶數日伏
枕不出今晨就庭事啓窗則花已爛熳比他樹
尤盛見者咸以為異予亦歡然以喜因賦長句
并識意云

窗前新栽楸子樹去歲移自東君家根深土凍重莫致

輓以兩捷載一車方經旬日即蓓蕾秋深結子如丹砂
人言此特餘氣耳來歲未必能芬葩我初聞之稍驚怪
重以土俗相傳誇今年春風已撩亂千株萬卉皆萌芽
南山青翠遠可見獨有此樹猶枯杈我徵前言苦不樂
行憐坐惜恒咨嗟連朝病困閉門卧夢寐猶憶花如何
今晨勿藥彊起坐眊焉兩瞳如隔紗推窗一見笑絕倒
蔥蔥滿樹開成霞冰綃素錦誰翦刻小紅輕翠相交加
日光照耀春欲醉翩翩蜂蝶爭紛拏賓朋來觀繞百匝
共疑造化理則那花枝爛熳色更好詖辭輕易可信邪
豈非陽春有深意憐我老憊來天涯浮生過半身計拙
有足不及蚊憐蛇故教相伴慰岑寂豈敢與物爭豪華
六年羈鰥入僧定但未落髮披袈裟青裙小鬟別來久
淚眼垢膩首不珈已聞桂蠹化胡蝶忍聽鸚鵡呼琵琶
花雖可愛不忍折無人插向兩髻丫鈎簾靜坐獨清賞
天明起看到日斜知音未遇寡懽趣有酒不飲惟烹茶
前年官司催入貢六千里路豈不遐移根天苑比瓊樹
有用未必過桑麻物生遭遇即珍貴便應壓盡諸般花
我慙不如花命好謫官五載辭金華住迴邊城氣蕭索
旦暮憾憾聞蘆笳自憐淺薄不足忌羣兒何以喙競呀
方圓鑿衲苦難入冠非廡角強觸斜古人明哲有深戒
省愆痛欲掩戶樞窮荒雖覺雙眼淨聒耳厭聽公私蛙
再歌南風終不競天驕吹脣魯婦髻羌兒雜還近邊鄙

意態詭異聲蹶譁陰霾接旬不成澤嗟嗟恒欲噬我豸
麒麟獅子遠將至爾曹慎勿相邀遮駟騎東來蹙山倒
黃口學語聲咿啞羣公羅拜但垂手踐踏不啻蟲與鰕
人逃馬死金滿篋一擲何足挂齒牙我雖無位百憂集
終夜感歎心如瘥廿年蹤跡半天下把鏡自照兩鬢髮
老懷食蔗如食蠟豈但無味仍饒渣行路難行古如此
道多豺狼水鱷魴紛紛兒女競聲利左蠻右觸方爭蝸
金雞何日解羈去一竿歸釣吳江槎箕山潁水跡長往
漁蓑樵擔肩相摩閒看得意鼠如虎怕說病聰蟻間摩
黃雞紫鱗且慰意背癢正得麻姑爬着將口腹累州里
未能不食如匏瓜猶勝夷齊待薇蕨園收芋粟兼梨楂
老農追隨種禾黍偶耕林下時燒畚心淳語直意真率
肝膽相照無疵瑕瑤臺璇室豈不好嘯嘯較此猶爭些
囊中黃金尚餘幾壺乾酒盡還當賒頽然一醉玉山倒
世間萬事皆由他

梟

南山萬古雪六月地上冰崢嶸况當嚴冬氣尤冽萬物
僵立不識死與生陽烏戢其羽顏色慘澹無光晶朝朝
畏寒不敢出欲挽海水添長更羶裘蒙茸縮如蝟風沙
斷盡行人行老烏平時最饒舌攢毛縮頸飢無聲鴟鴞
獨何形無乃金鐵鑄使成白日在何處每到夜黑來飛
鳴有時呼嘯聲愈厲名號怪鬼徵邪精鳳皇凍欲死志

明言總卷十一
意無由平梟凶不可治怒瘦空膨脝南村孀婦貧且苦
夫死未葬兒東征伏雌五雛初解殼畏寒就暖聲啾嚶
土房穿漏窗戶破梟竟突入雞啼驚雛死腦盡裂雌傷
不能爭孀時睡艷甑欲起視夜無油燈乞鄰把火照昏
黑梟止未去勢欲相欺陵口吻尚流血兩目光矜矜孀
髮豎股慄返走撲地魂飛騰有夫攘臂挾弓矢弗斬此
梟何以懲入門無所見但聞狐鳴鬼嘯寒氣颯颯如凝
冰孀悲呼天涕垂膺卯此惡物當誰憎戟手詎社公媿
汝威稜稜雖云土木偶想亦欽名稱人皆祀汝作土主
安然坐視反不如梟能社公顏忸怩渥若朝霞烝據案
呼吏兵卑官亦靈承廟食于此方乃被婦詬吾奚勝便
須封阜囊騎雲款天庭叩階瀝血天其矜不以梟磔死
吾道何由弘天門九重高且邃守以夜叉威巖巖摳衣
趨蹌肅鳴佩以手奉扃心顫悸大閤倚棖方假寐矐目
視之訶且詈汝官何曹直蟲臂清都森嚴可輕易社公
前致辭大閤已知意鼎鑄尚有耳投鼠須忌器梟為天
驕子美惡各以類羽中豈無靈與瑞不及梟姿工媵媿
乘昏伺暗察幽隱附耳連箸方倚比汝不知忌諱胡不
膠脣結舌亦足以自異彼喙若呀非汝利社公頓頭前
此言得無愆天道本至公如何有憎憐苟不較曲直何
由辨媿妍以彼醜惡形乃竊造化權常聞上古時宰物
無頗偏禍淫與福善今豈不其然地行蒼生何啻千萬

億煩冤疾痛孰不號旻天渾沌苟未鑿何用呼吸百里
晝夜東西旋大闔笑絕倒以掌拍其肩小儒強解事未
悟磨兜堅汝胡不聞天地同一物不過一十二萬九千
六百年氣機消長豈常好清淳澆濁各各隨時遷天人
不同道此理可忘言語既復歎悔丁寧極密勿妄宣社
公涕漣如頰首但長吁載拜謝不敏攬轡回其車錫鑾
風泠泠墜地不須更亟往告彼孀夜降桑林巫臬雖不
勝誅誰敢訐其辜朋儕相構煽勢與天為徒母惱尚忍
啄何有于朱朱素餐抱深媿予亦思乘桴嗟爾門單戶
弱形羈孤從今慎勿與臬敵但須夜夜牢護雞巢雛

西屯女

西屯女兒年十八六幅紅裙脚不韞面上脂鉛隨手抹
白合山丹滿頭插見客含羞嬌不語走入柴門掩門處
隔牆却問官何來阿爺便歸官且住解鞍繫馬堂前樹
我向廚中泡茶去

保定塗中偶成

白璧何從摘舊瑕纔開羅網向天涯寒窗兒女燈前淚
客路風霜夢裏家豈有酖人羊叔子可憐憂國賈長沙
獨醒空和騷人詠滿耳斜陽噪晚鴉

甘州即事

黑河如帶向西來河上邊城自漢開山近四時常見雪
地寒終歲不聞雷牦牛互市番氓出宛馬臨關漢使回

東望玉京將萬里雲霄何處是蓬萊

客中春晚

遠塞書難寄空庭花自開舊巢雙燕子今歲不曾來

春日游山偶成

林下扶藤杖溪邊整葛巾春風莫相妒不是折花人

口號寄涇州守李宏

渡了黃河又黑河春風秋月五年過涇陽太守如相問
更比來時白髮多

至高郵逢邢勉仁

客中相見倍相親白酒黃雞莫笑負君住淮南我淮北
如何不是故鄉人

甘州

甘州城西黑水流甘州城北黃雲愁玉關人老貂裘敝

苦憶平生馬少游

集本題作送岳季方還京前云登高樓望明月明月秋
來幾員缺多情只照綺羅筵莫照天涯遠行客天涯行
客離鄉久見月思鄉搔白首年年長自送行人折盡邊城路
倘柳東望秦川一鴈飛可憐同住不同歸身留塞北空彈
缺夢繞江南未拂衣君歸復喜登臺閣風裁稜稜尚如昨
但令四海歌昇平我在甘州貧亦樂下文云云

明詩綜卷二十

明詩綜卷二十一

小長蘆 朱彝尊 錄

吳郡 范 濂 緝評

楊 翥 二首

翥字仲舉吳縣人少與兄戍武昌為鄉校師仁
宗驛召授翰林編修歷修撰遷郎府長史景泰
初擢禮部左侍郎尋進尚書有晞顏先生集

云先生詩若太羹玄酒不
待薑桂鹽梅而至味自存

黃岡阻雪

積雨既淫溢飛雪何漫漫經旬苦不止行子多悲酸悲
酸亦何事匪為飢與寒倚門累晨暮定省違承顏欲行

阻泥塗欲濟愁驚湍凍木號江介飢鳥噪林端向風長
太息恨不生羽翰出門不自遂誠哉行路難

秋懷

肅肅涼吹發唧唧寒蛩吟春夏不自豫况乃秋氣臨時
序忽流邁感此百憂尋人生誠須臾華髮易為侵立名
亦素志為善實所欽塵事日紛擾進修力不任愁懷難
自遣徒倚高梧陰

靜志居詩話晞顏集借之琴川毛氏牧齋為施鉛評云宜亟焚毀勿暴其短於後世可也未免太過楊公長者當存其言以予所錄二首亦白

成章

范

澄 一首

澄字國清寶應人景泰庚午舉人

送別

酒盡津鼓震風生浦帆亂山迴不見君夕陽在沙岸

柯 潛 一首

潛字孟時莆田人景泰辛未賜進士第一授翰
林修撰歷右春坊右中允洗馬遷尚寶少卿陞
詹事府少詹事兼翰林學士有竹巖集

詩話漢有金馬石渠蘭臺東觀宋有總明陳有德教周則虎門麟趾北齊則仁壽文林唐則麗正集仙開元中始定為翰林院其署與他公廨不同中有徘徊精舍四面步廊西壁花磚假山叢竹侈金鑾之密記建學士之新樓汴宋玉堂尤加藻飾泊乎南渡雖屬偏安而省舍一新濯纓之泉滌硯之澗芸香之亭汗青之軒以及蓬巒松坡蘭畦之館藥洞菊徑橘州鶴砌儲圖史翰墨於中故論者以詞臣為神仙之職也明初舊院有修竹林學士黃宗豫寄東里詩云一別詞垣數月餘娟娟修竹近何如北京既建院設玉河橋西堂後有井劉文安所鑿也其二間凡八楹柯學士所築也并在左亭居右至今入翰苑者以劉井何亭為佳話而堂後柏二株亦學士所植李長沙選館受業於柯後李教習庶常

以學士柏為題汪吉士俊有一日百回行樹底之句李悵然有感行為
云云我我行樹陰日千匝兩葉風枝自蕭颯惟有諸生識我情旁人
無空嘲狎我見先生種樹年我身尚短樹及肩枝蟠江山地可縮手幹
造化天無權瓊臺翠閣何森爽院柳庭花敢爭長茂蔭長留六月陰盤
直與孤雲上材堪五鳳難為用根列九泉終不枉寒落青袍幾故人
琮琤玉珮空遺響當時院長文安公柯亭劉井相西東百年遺愛豈獨
此樹欲比人中龍柏猶如此我何似已媿斑白非兒童名收後嗣有
先後壽比金石無終窮下堂再拜想顏色仰面正拂長髯風於是倡和
成卷以貽學士之子使藏焉蓋學士汲引後進孜孜如不及二百年來
猶勿剪勿拜至今想其文采風流僕嘗思文獻可徵而詞林掌故闕
焉不講在 中禁日會粹玉堂舊事自唐宋迄明擬瀛洲遺古錄一編
弟子長洲陸肯堂請事開雕謂刊成凡入院者必給一本庶知以古人
自期斯文不幸陸生云亡至今藏
之篋行恐終歸覆瓿可歎惜也

游囊山寺

下馬松關外行行過虎溪鐘鳴知寺近雲暝覺天低斷
澗流泉澀平岡古木齊何當一作謝塵鞅此地卜幽棲

王 儼 一首

儼字廷貴武進人景泰辛未賜進士第三授翰
林編修遷侍講歷春坊右庶子改南京翰林學
士陞國子監祭酒擢南吏部右侍郎召為戶部
左侍郎陞南吏部尚書卒贈太子太保謚文肅

有思軒橐

李時遠云宗伯為詩
清雅間出悲壯之音

宿沛縣泗亭驛

維舟當泗水涼雨洗炎蒸砧杵孤城月漁舟別浦燈客
愁秋更甚鄉夢遠難憑千古龍飛地令人感廢興

楊守陳 三首

守陳字維新鄆縣人景泰辛未進士改庶吉士
除翰林編修歷侍講洗馬遷學士擢吏部右侍

郎兼詹事府丞卒贈禮部尚書謚文毅有晉菴
桂坊鏡川東觀金坡銓部諸集

李賓之云文毅詩博采
深詣典則溫厚成一家

言而愛君憂國感事寓
物得諸三百篇者深

詩話文懿難經伉伉不屑拾淳熙諸儒遺唾而詩格深穩在唐宋之間
其史館感懷詩云在古左右史言動悉分書由漢至國初有官注起居
不知自何歲史職曠成虛有故始闢館編纂亦紛如新人敘陳迹寧免
闕且疎又云崔杼弑其主直筆遭刑誅二弟相繼死南史猶特書古人
守一職往往思捐軀可憐今世士利害論錙蓋公留心史學嘗草疏
言國史有三大闕事未舉一靖難後不記建文君朝政及方黃死事諸
臣一景帝已復位號實錄猶附書稱成戾王一章疏留中者不獲登實
錄宜宣付史館惜乎疏雖草而未及上也晚語徐少詹云平昔才無半
斗而勤作文飲僅數合而喜與客讌行
不能里許而好游蓋雅人之習尚然矣

游虎丘

出城纔數里已到白雲間但見門臨水那知寺有山鐘
鳴僧出定林動鶴飛還石磴行行遍花宮盡啓關

贈周廷參張邵齡二知己

客牕情思渺無涯麥隴蔬畦浥露華白屋三間連野寺
青苔一徑入鄰家晴烟亂繞庭中樹夜雨微沾戶外花
此地幽偏可乘興馬蹄來去豈嫌賒

春城遊宴詩

蝓蟬石首和椒橙新筍香甘帶肉烹非是老饕偏愛此
十年不歎故鄉羹

童軒一首

軒字士昂鄱陽人以天官學入欽天監家於南
京中景泰辛未進士以吏科給事中撫川寇謫
知壽昌縣久之以太常少卿掌欽天監以右副

都御史總制松潘歷陞吏部尚書致仕有清風

亭臺枕肱集

周吉父云尚書九日詩云黃菊酒香人病後白蘋風冷鴈來初草堂詩云草堂夜雨生科斗花遲春

風叫栗留均佳句也 錢受之云尚書詩有唐人體裁

憶金陵

金陵佳麗地風景想依然城闕金湯固江山罨畫連晚風樓上笛春水渡頭船惆悵曾游地而今又幾年

王越九首

越字世昌濬縣人景泰辛未進士天順中以御史超拜右副都御史巡撫大同進太子太保兵部尚書論出塞功封威寧伯佩征西前將軍印尋加少保兼太子太傅卒贈太傅謚襄敏有雲

山老嬾集

李賓之云王公歌詩雄邁跌宕若不屑意而奇偉不羣才思煥發 王鳳竹云王公詩明易通暢不事艱刻然氣象雄偉

心懇惻流溢良由賦才之奇渾然天成不假匠鑿 李時遠云威寧才思之美倚馬萬言往往皆出新意使加以深沉之思豈一時操觚者所能及 錢受之云威寧喜為詩麗豪奔放不事雕飾酒酣命筆一掃千言使人有橫槊磨盾悲歌出塞之思至云髯為胡笳吹作雪心因烽火鍊成丹則又讀而悲之 李舒章云威寧才思敏捷奈其太率不脫兜牟之氣 周青士云威寧詩不雕不琢而符采奕然五言如一杯今夕酒十載異鄉人客裏有歸夢眼前無故人石橋平似掌茅屋小於船豆蔓穿籬過苔錢上樹生飛來沙上鷺銜出水中魚夜吟山月小春夢海天遙七言如四面好山朝日觀一溪流水落天門雲間雞犬迎游客雨後兒童掃落花一路草香都是藥滿林樹老盡生苔間身未老休扶杖短髮無多不受簪風向眼中吹出淚霜於髯上凍成冰愁人正似芥中坐好客忽從天上來金縷且聽新樂府鐵衣休話舊軍功亭前春雨一林竹溪上秋風兩岸蘆路隔三千餘里遠月經二十四迴圓百年人得幾時健一歲月無今夜明自笑年來長送客不知身是未歸人鵲道巢去鳩先入蛛曳絲來蝶倒懸山下夕陽芳草路橋邊流水落花村當時只學魯男子今日不如阿大夫莫笑買牛新學稼也曾騎馬舊巡邊不求工而未嘗不工也 詩話威寧功紀旂常盟申帶礪立功已足不朽而於詩沾沾自喜長篇奔放如快馬不受羈縲未免有銜蹶之虞雖意在取法盛唐然往往流

入擊壤一派其送周宗太詩云可憐相見未能久無那匆匆又分手臨岐把袂且談詩何用尋常一杯酒古詩起於列國前孔子刪為三百篇發乎情性止禮義所以音律皆自然後來風雅不復作獨有離騷味堪爵秦漢已下雖頗淳已食古人之糟粕盛唐取諸杜少陵西晉取諸陶淵明少陵忠義所感激淵明渾然而天成五代之詩無足齒宋人之詩理而已抑揚辭氣欠從容遂失溫柔敦厚旨元人之詩學晚唐巧者自巧狂者狂大音元氣日凋喪詩道至此幾云亡又近體論詩云離肝斷肺漫勞神語不求奇意自新爾雅本無難識字離騷還有獨醒人蓋自道其所得也

中秋對月用孟浩然韻

明月下空庭清光寒不濕
褰簾坐來久忽見飛螢入空
懷寂無聊何處砧聲急對酒不成唸起向西風立

榆陵送武靖侯趙公還京

古人一日別常懷千里思况在天之涯而與君相離風
寒歲云暮夜永雞鳴遲悠悠行路難苦樂心自知人生

如浮雲聚散安可期君歸日以遠我歸當何時豈不念
鄉國顧此王事縻霜月滿孤城照見遊子悲

遊金龍池

雲深池水寒流出青山口雲水復何心鷗鷺自相友時
維秋氣涼佳節近重九侵曉解征鞍徘徊日將西歷覽
古遺蹤因之問村叟叟云吾不知世遠人亡久文獻不
足徵請看池上柳遙遙數百年今亦半枯朽人生能幾
何少壯忽老醜往事無足論且盡杯中酒

見慧

野雉雠於鼎桑穀生於朝聖王務修德災患乃自消慧
星見東方垂象何昭昭天心愛人君君心胡可驕反身

當自責弭此天上妖轉禍以爲祥一念之所招

金雀花

侯門愛金雀金雀顏色好化作枝上花凌春獨開早冶
遊亭館多芳容等閒老東風一飄零不及澗邊草

初度

今年四十八去年四十七明年四十九五十爭幾日逆
數六十來光陰彈指疾七十從古稀八十安可必所以
百歲人千萬不見一嗟哉宦海中悠悠良自恤

題蠲上人画

好山萬仞高插空羣峰竝列青芙蓉大者突兀如盤龍
小者箕踞如蹲熊峰頭短樹亂如草凌霄獨立蒼蒼松

一重流水一重竹竹邊盡是山僧屋上方下界知幾重
銀杏紅椒滿空谷山中屋貯山中雲山中雲卧山中人
山中之人出山去画裏看山秋復春

蜀中送頌斯誠同年回京

白髮慈親七十餘不知消息近何如老來賴我供湯藥
別後憑誰奉板輿旅館夜長頻有夢故鄉路遠久無書
君歸正向門前過爲報平安莫倚闕

鴈塔

慈恩古塔一閑登瘞鶴銘亡問寺僧舊壁遍題唐進士
遠烟多見漢原陵感懷已寄無窮事縱目還須最上層
不省風鈴緣底語只今誰是佛圖澄

馬文升 一首

文升字負圖鈞州人景泰辛未進士累官少師兼太子太師吏部尚書贈太傅再贈左柱國太師謚端肅有集

游桃源洞

桃花源接武陵溪咫尺仙家路易迷指點秦人舊蹤跡蕭蕭方竹斷橋西

姚旭 一首

旭字景暘桐城人景泰辛未進士授刑科給事中天順間以言事謫判鄭州仕至雲南參政有菊潭集

管叔城

管城廢址草茫茫屈指曾經百戰場但有鴟鴞鳴夜雨不堪車馬送斜陽山含秋色迷孤館樹引荒雲覆女牆試上層樓頻悵望鎬京離黍總堪傷

沈 肆 一首

肆字公貴平湖人景泰辛未進士山東道御史有橋門漫豪柏臺新豪

詩話公貴少與兄公禮齊名公禮名琮中正統壬戌進士仕至廣州守兄弟居父母喪廬墓下六年不肉食先後哀毀卒詔旌其宅曰孝行之門公禮詩有石窗漫豪予少日曾見之記有擺檉香生秋雨後桔槔聲斷夕陽前雨餘竹外僧歸寺日出松顛雀下巢山花帶雨落成片野鳥見人飛作羣之句今其集不復再觀矣錄公貴詩附識於此

題漁隱故居

名落人間二十年一溪漁隱自悠然晚風楊柳堤邊笛
秋雨蘆花渡口船沽酒肯邀漁父醉枕蓑時伴野鷗眠
只今回首成陳迹贏得人稱似輞川

李應禎 一首

應禎名銜以字行更字貞伯長洲人景泰癸酉
舉人授中書舍人仕至南京太僕寺少卿有李

氏遺集

李時遠云少卿詩朗秀
冲閒已造中唐佳境

詩話少卿入太學中官牛玉請為塾師固拒之在中書日應制寫佛經
進曰臣聞為天下國家有九經不聞有佛經也不受命可謂婢直矣歸
田後與吳原博史明古張子靜輩賦詩聯句其寄友詩
云別墅園基常載酒晴湖泛月不張帆風流可想也

東禪寺

松杉滿院風豆莢一籬綠不聞車馬喧時有高人宿

徐溥 一首

溥字時用宜興人景泰甲戌賜進士第二累官
少師兼太子太師吏部尚書華蓋殿大學士卒

贈太師諡文靖有謙齋文錄

朱懋忠云文靖詩清潤
和平足以鳴國家之盛

詩話文靖詩不求工然如鳥跡平沙晚花香
小徑春但使客長醉何妨酒屢賒綽有風致

歸樂堂

十年游上國此日賦歸歟倦却風塵路來尋水竹居山
行春載酒門掩畫攤書薄暮投林鳥相看意自如

何喬新 四首

喬新字廷秀一云字天苗江西廣昌人冢宰文
淵子景泰甲戌進士授南禮部主事改刑部歷

明詩總卷二十一
員外郎中陞福建按察副使改河南擢都察院
右僉都御史巡撫山西召為刑部左侍郎進尚
書卒贈太子少傅謚文肅有椒丘集

秋懷

白露悴百草玄蟬寂無聲庭柯斂新翠日夕寒蟬鳴感
此時序易披衣坐前榮仰視天宇間銀河隔雙星一葦
亮可航相望未合併玄運亦多阻矧茲塵俗情援琴鼓
別鶴感我淚交零

登岳陽樓

雲牕月牖俯清流滿目山川快壯遊誰向江湖懷北闕
謾誇樓閣冠南州朱絃夜鼓湘靈瑟錦纜春迴楚客舟
欲起靈均歌九辨澧蘭沅芷徧芳洲

擬唐宮詞

花貌宮娃老掖庭承恩元不在傾城披香殿上開春讌
閒看羣姬弄化生

過故相第

門掩西風晝不開
蚬蟻滿壁粉牆頽
庭前乳犬休驚吠
無復懷金暮夜來

謝省一首

省字世修黃巖人景泰甲戌進士南京兵部員
外郎出知寶慶府

山行

杖屨躋攀到九華不知何處是仙家高蹤一去無消息
惟有碧桃春自花

李裕一首

裕字資德豐城人景泰甲戌進士授監察御史
陞山東按察使轉陝西左布政召入為順天府
尹尋陞右都御史未幾調南京轉工部尚書改
吏部有餘力橐東藩倡和詩

渡揚子江

曉經揚子渡画舸一帆輕潮湧金山寺雲連鐵甕城江
豚吹浪白海日照林明坐聽鐘聲發悠然物外情

張寧十一首

寧字靜之海鹽人景泰甲戌進士官禮科給事
中兩使朝鮮轉都給事中出知汀州府有方洲

集

徐子元云方洲高雅清俊得唐調 王元美云張靖之如小權急
流一瞬而過無復雅觀 蔣仲舒云靖之既離瑣闥旋就乞身追

念舊恩愴然興涕歌詩本於才敏終鮮沉思大槩一時之雄終難百世
之業 顧玄言云方洲縱調騁情頗稱作者句如林葉經霜盡河冰近

午開殷璠所稱意
新理愜斯得之矣

詩話黃門賦才捷敏不費沉思兩使朝鮮水館星郵留題殆遍陪臣朴
元亨以刑曹判司為館伴詩篇酬和殊不相下及偕登太平館樓黃門
成七言長律六十韻元亨誦至溪流殘白春前雪柳折新黃夜半風之
句乃閣筆曰不能屬和矣使旋為大臣所忌出守汀州與岳文肅同日
拜命致仕歸而築方洲草堂於海澱壘石為山上有峰曰蒼玉曰拄頰
曰小飛來巖曰宿雨曰滴露洞曰歸雲坡曰蘭雪岫曰茶烟嶠曰咏月
巖曰卓筆泉曰洗研池曰映山皆刻於石而通目之曰一笑山家居三
十年歌詩画筆與雲東逸史齊稱暮年無子有二婢子曰寒香晚翠剪
髮自誓不下樓者四十年有司以聞詔旌為雙節釋明秀詩云交剪雲
鬢報主恩鏡臺花落洗頭盆同心誓死方洲上霜月寥寥夜照門一時
和者甚眾黃門嘗過杭州發墨寫目送飛鴻手揮五絃圖縱橫潦草侍
婢笑之題詩云聞尋敗筆作圖画小鬟立侍笑欲倒山頭顏似土灰堆

樹根亂若蓬蒿草所云
小鬟殆即寒香晚翠乎

重遊金粟寺有作

溪迴通小艇山峻露層臺
林葉經霜盡河冰近午開
閒雲僧出定舊雨客重來
擾擾浮生路經過定幾回

感事

羽書昨夜報居庸百萬雄
師下九重天子垂衣臨大漠
羣臣端笏扈元戎禁中已乏回
天諫闢外誰成闢地功
千古澶淵扶日轂令人長憶寇萊公

莫愁樂

金雀玉搔頭生來字莫愁
自從歡去後不出石城游

南浦停雲

不見同心人相思渺雲樹
記得別離時却在飛雲處

林良花鳥

竹樹晚淒淒天寒相傍棲
春風疎雨歇飛上画樓啼

園梅盛開

暖透孤根雪乍消
冰花萬點綴寒條
尋幽欲寄山中客
忘却西湖有斷橋

後浦漁歌

欸乃新聲度遠汀
烟消日出樹冥冥
年來悟得滄浪意
長近西堂竹下聽

題画

杳靄昏黃夜泊船
鷓鴣聲裏雨如烟
秋風不見平安信

夢斷湘江又十年

竹鶴老人画

水烟山靄樹冥冥船在丹青画裏行好是苔溪二三月
南邊雨落北邊晴

蘋花館

宿水停烟綠近牆繞門葭菼共蒼蒼寒香欲薦無人采
月落空庭夜有霜

寄余驛丞

南薰亭館晚相延屈指星霜又十年不是重來渾忘却
黃昏舟過驛門前

彭華一首

華字彥實安福人景泰甲戌進士改庶吉士累
官禮部尚書入直內閣以宮保尚書致仕卒謚
文思有集

明妃曲

抱得琵琶不忍彈風沙獵獵雪漫漫曉來馬上寒如許
信是將軍出塞難

丘濬 五首

濬字仲深瓊山人景泰甲戌進士選庶吉士授
翰林編修歷侍講學士陞禮部侍郎進尚書加
太子太保入直文淵閣尋加少保戶部尚書武
英殿大學士卒贈太傅謚文莊有瓊臺會豪
李賓

之云公之學於詩固有所不屑專而實專門者所不逮 程克勤云公詩如仙翁劍客隨口所出皆足驚人雖雅俗正變體裁不一而格律精嚴不失矩度 黃才伯云

先生信口為詩語皆警拔

詩話文莊於詩不事鍛鍊而矩度自合其與友人論詩絕句云吐語操持不用奇風行水上繭抽絲眼前景物口頭語便是詩家絕妙辭其言未嘗不是第恐學者因之流於

率易墮入定山一派不可也

擬古

依依重依依不忍生別離別離已可悲况值秋風時柳
衰不堪折情苦不堪說願妾為小星君身化明月明月
貼天飛小星恒相隨月出星隨出月歸星亦歸莫學秋
胡妻相逢不相識生者固可慚死者亦何益

送廣東夏廉憲

當宁念遠岷塗炭日以極詔簡在廷臣往司風紀職僉

曰御史某秉德剛且直屬耳按左右風聲甚輝赫兵政
既以舉吏弊亦以革謠言聞遠近公論推第一無如斯
人可拜手荅明勅天子曰俞哉超授三品秩天語重丁
寧綸命光鳥奕百僚無間言相見咸喑喑而我嶺南人
慶幸倍千百預為鄉人喜從此得蘇息特恩許乘傳陞
辭行有日走也官禁近早有半面識中心久有懷臨分
忍緘默聊為陳本末幸與垂采擇惟茲東廣地富麗自
古昔秦初已內附漢後亦廣斥東西數千里十郡六十
邑衛所錯其間小大五十七憶昔全盛時承平久寧謐
家家有蓋藏人人各安適土著少流徙世業足資給士
族尚詩禮農家務耕織先期輸賦稅俛首供力役民不

受箠楚兵不識鋒鏑行旅不齎糧遠出不待吉昏夜絕
剽竊歉歲無行乞况復天氣暄地利多所獲三冬著芋
衣五月收新植山畬少汙萊水田自潮汐舟游泛滄茫
火種燒爨窮曉包趁墟飯晴著登山屐海錯富蚌蜆家
烹剩豚鮪文本生山林珍貨來蕃舶荔奴然火樹橘柚
垂金實閭右食素封田圃盛嘉植愛身寧破產終訟羞
曲筆遐邇總安恬公私舉豐殖逮及廿年來長吏恣胸
臆厚利動其中甘言誘其側欺彼民柔愚藐茲地遐僻
遂決禮義防大肆搏噬力把臂褫其衣挾口奪之食溪
壑填不滿氣燄撲難熄上下相師承前後遞沿襲豈云
無鷹鷂方自為螽蟃天門遠萬里無地訴冤抑致令仁
厚性化作兇險質弄兵潢池中延息苟旦夕外邪尋即
除中虛遂成疾蠢茲洞中猺窺伺乘間隙始惟掠近地
稍稍出復匿迹彼素脆慙頓異戎與貊制伏本非艱而
我狃安逸武胄恥言兵文吏諱申賊縱虎出林薄延鬼
入居宅路有橫草虞關無一夫搯長驅捲村落乘夜盜
城壁豈彼智有餘乃我法不立歲歲轉猖披邊境遭輶
轢脅從日漸多兇徒日增益居民就流散人烟渺蕭瑟
已身不自卹何暇問家室田蕪乏犢耕井渫無人汲萬
家春草青一望秋原赤禾麻種殆絕雞犬聲亦寂昏雨
燐火青涼月死骨白內地幸苟免因之困供億相扇咸
弗靖濡沫聊戢戢方今堯舜朝大臣總皋稷萬國俱時

明詩卷十一
雍一方獨艱阨九重赫然怒遣將擣其窟天道信好還
王師本無敵鼎魚姑假喘穴蟻難藏迹行當見埽平腥
穢永蕩滌却愁火然罔罔辨玉與石嗟爾嶺徼人罹此
殊可惜賈父來每晚謝令去不亟由來非一朝往者何
嗟及幸茲天日開光景方昭熠草木回生意山川增秀
色福星離紫垣甘雨隨丹軾指日下滇江持節鎮南國
先聲一以聞父老懽以泣迎拜古道旁應以手加額願
言明使君代天布仁德為我招殘魂為我肉枯骼為我
作保障為我剪荆棘為我開喉吻為我插羽翼醫我眼
前瘡除我腹中匪我寒衣以裘我飢食以粒生者受我
塵死者與我裨一夫或失所孰非使君責使君今已行

行行去須急齊民正倒懸異類尚反仄如病望醫師如
早望雨澤寄聲報吾人此公古難得瘴海行將清貪泉
不能惑佇看凋弊區復作全盛域

鍾廣漢云長
篇銳氣不衰

村行

萬里勞行役驅車趁晚晴鴉邊殘照遠雨外斷虹明山
徑高低路村春遠近聲隔林人語寂一犬吠相迎

中秋有感

客裏逢秋景思鄉倍愴神依然今夜月不見去年人

秋思

水落淺灘石出霜冷疎林葉丹天外數聲過鴈人在高
樓倚闌

伍方一首

方字公矩嘉興人景泰甲戌進士知武岡州謫

戍柳州有柳菴集

詩話公矩與張靖之丘仲深同年成進士三人莫逆時有倡酬靜之詩云丘仲深伍公矩元是長安看花侶又云江東雲渭北樹仲深不來公矩去望斷斜陽舊游處仲深亦有送公矩之柳州詩云平生故人伍公矩少年學文今學武興來拔劍為我舞顧儂豈是噲等伍末云吳山高兮粵水長南歸若見張給事引杯燒燭歌我送行章可謂篤同譜之義矣柳菴集予少日於金明僧舍見之凡四冊曾覽一過今購之不復可得僅從樵李英華集錄其一絕雖不見好存其人可也

画竹

花點湘雲墮碧川翠梢零落帶秋煙歸篷記得曾看處

殘月黃陵古廟前

杜庠一首

庠字公序長洲人景泰甲戌進士除知攸縣罷

歸有楚游橐江浙歌風集

錢受之云公序與卞華伯張汝弼游詩體粗豪奔放不暇持擇

亦卞張之流也

詩話公序從張節之游同學者範之節之贈詩云炳蔚虎豹文卓犖珊瑚枝學子因改視焉嘗過赤壁題詩張汝弼奇之一時呼為杜赤壁仕既不達汗漫湖海間自稱西湖醉老莓牆椒壁過輒留題然不經意其可存者寡也

寄吳中諸友

故園東望路綿綿一別何期竟隔年客思半消春酒後
鄉心都在夜燈前杏花村店西山雨楊柳河橋上苑煙
欲語平安歸未得自嗟身為薄名牽

彭澤一首

澤攸縣人景泰丙子舉人

春日雜興

春陰庭館晝生寒
落葉游絲濕作團
年少風流今減盡
牡丹開遍不凭闌

桑瑾一首

瑾字廷贊嘗熟人景泰丙子舉人處州府通判

橫瀝口泊舟

浦外炊烟起柁牙
岸頭茅屋是農家
一冬苦雨全無麥
二月春晴未見花
野渡至今濡馬足
江潮久不露鷗沙
閒隨漁父談占候
怕見朝霞愛暮霞

黃瑜二首

瑜字廷美香山人景泰丙子舉人長樂知縣有

雙槐詩集

井嶼宋端宗御舟至此

白雁過江南破更無一尺土
可坐自閩入廣隨波流塵沙
暗天天亦愁黃蘆苦竹風
颼颼鷓鴣雨中啼不休上
有深井山下有仙女嶼黑雲
卷波白浩浩漁舟不到御
舟到鱸魚鬢揚蛟尾掉蒼天
誰與告

詩話是詩依南海歐秦孚所藏錄本與廣東通志所載不同

城西劉王故院

江水東流西日斜
劉郎綦跡尚天涯
昌華苑外裙腰草
玉液池邊鼓吹蛙
隔隴牛羊聞牧笛
遙林烟火見漁家
當年翠輦宸遊地
留與東風長稻花

陳贄 二首

贄字惟成餘姚人以薦官儒學訓導入為翰林
待詔陞廣東參議遷太常少卿有蒙菴集

黃太冲云惟成

從鄉先生宋公傳張臺民得其詩法評者謂古詩逼陶柳近體駿駁乎盛唐

晚發五溪

巴川移短櫂正值暮秋天客路援聲裏鄉山雁影邊蒹葭連晚渚穉種滿秋田風物雖堪戀其如歸思牽

蠻中

蠻溪雨過葉皆流落日猩猩啼樹頭高竹亂藤茅屋小不知村落屬何州

劉英 二首

英字邦彥錢塘人景泰中郡邑交辟以母老辭

有賓山集蕉雪橐竹東小橐湖山詠錄

程克勤云邦彥孝友

似黃山谷高蹈似魏清逸曠達似楊鐵崖其詩精妥流逸兼備衆體

寶峰樓看沈啓南画因懷画中詩人存沒

尋僧重上寶峰樓撫景興懷不自由東海傷心諸老散
西湖回首十年游摩挲舊画題新句慙愧青山對白頭
空負梨花一尊酒無人共載木蘭舟

載酒過湖

寒食清明次第來紫苞紅萼裏池臺東風似與人商略
最好花枝最後開

聶大年 五首

大年字壽卿臨川人用薦為仁和訓導陞教諭

景泰初徵入翰林卒有冷齋集

俞汝成云壽卿詩尚襲元調

詩話大年掌教武林揭對聯示諸生云文章高似翰林院法度嚴於按察司以是見忤達官九年不調泰和王行儉掌銓衡以詩寄戴文進索画自敘十年始成大年題其後云公愛文進之画十年而不忘也使公以十年不忘之心待天下之賢天下豈復有遺才哉語稍聞於王而王不介意也天順初被徵入史局病中以詩別行儉曰鏡中白髮難饒我湖上青山欲待誰千里故人分索少百年公論蓋棺遲行儉得詩泣下曰大年欲吾銘其墓耳明日而大年卒行儉為作墓志曰吾以大年之才必能自振故久不擬薦而乃止一校官邪大年諸體平熟惟絕句小詩差有韻致比於劉泰士亨陸昂元

偁馬洪浩瀾王澄天碧諸子似勝之

題画瓜

翠實離離引蔓秋西風涼露滿林丘東門尚有閒田地
千載無人說故侯

題彥顯画中小景

水禽沙鳥自相呼遠近雲山半有無一葉扁舟兩三客
載將烟雨過西湖

題許上舍家梅花

西湖曾繫木蘭橈湖上殘雲雪未消報道南枝春信早
移船更近段家橋

夏日次侃禪師韻

高亭暑夜景相和涼月絺衣挂薜蘿楊柳風輕湖面闊
不知何處藕花多

題仲昭竹

舍人老作鄖陽守尚愛揮毫寫竹枝絕似樣舟湘水上
鷓鴣啼斷雨來時

陳延齡

二首

延齡初名壽字昌年嘉興人景泰中郡掾史有

玉崖子集

題画 二首

洞庭微雨曉生波一櫂雲山客裏過綠遍蘼蕪歸未得

東風閑唱竹枝歌

楊花如雪正殘春新水茫茫浸綠蘋桃葉桃根何處是

東風愁殺渡江人

劉溥 七首

溥字原博長洲人宣德初授惠民局副使後調

太醫院吏目有草牕集

王元美云景泰中稱詩豪者十才子而劉溥湯胤勳為之首 蔣仲

舒云溥詩如淮陰少年武健自足時欲侮人使少加揖遜亦一時名流
錢受之云原博詩初擬西崑晚亦奇縱悲愁歎憤一寓於詩塞雁南
飛之什聞者傷之

詩話劉原博湯公讓盛有詩名原博於除夕為劉主事廷美作終南進
士行廷美懸之堂上次日賀正客至爭裂門籍紙傳寫廷美笑曰此乃
耗紙鬼也嘗語客云不讀二萬卷詩看溥詩不得而公讓守宮詩出一
時驚歎以為有神今觀之殊堪作惡時無英雄遂有十才子之目然就
諸子而論原博特多忠悱之言於彼法中差勝劉宗器贈詩云心事一
於詩激發何慨慷靜中聊自怡鬱抑賴舒暢短章既從容長篇亦跌宕
府藏出珍奇鈞天奏空曠正如巨陂中魚龍交蕩漾有時為我歌三歎而一唱未免矜譽過其實矣

古意

美女出齊州容華世無雙修眉結輕綠麗目曼騰光鮮
紈被玉體明月綴兩璫巧笑發春華氣若秋蘭芳窈窕
高樓居宛在大道傍媒氏致千金琴瑟諧高張既製合
歡被復製合歡牀德義苟無虧恩愛永不忘

雜詩

仲秋涼氣肅白露下庭柯芳蘭委輕飈桂樹行復華
仰時節至生意迭以嘉理運本自然無為徒咨嗟人生
貴有道富貴安足誇膏火一朝盡撫膺其奈何

晚過揚州

長安懸落照短櫂尚孤征衰柳愁邊斷殘霞雨外明
人喧揚子渡鐘動廣陵城漸去鄉關遠淒然倍旅情

使回過獨石

城二月暗塵沙吹遍東風不見花天遠玉京旋日騎
水通銀漢繫星槎雲中路出高山險上谷雲連獨石斜
正是旅愁消未得夕陽樓外又鳴笳

江上別

相逢蘭渚潮長相送烟江日斜只說儂家易識門前一
樹梨花

題畫寄徐州陸九皋 二首

別後重來未有期且憑圖畫寄相思秋風黃葉茅亭上
猶記逢君是此時
目極天涯酒半醒楓林斜帶遠山青故人家在秋雲外
百步洪邊水繞亭

湯胤勳 二首

胤勳字公讓東甌襄武王曾孫授錦衣百戶轉
千戶景泰中命通問上皇歸進指揮僉事成化

初以叅將守延綏戰沒有東谷集

王元美云湯公讓劉原博如淮陰少

年斗健作
敢人狀

詩話徐元玉言於裕陵曰湯眉動酒風漢耳鄒克明嘲以詩云湯家公子善夸詡好似蚍蜉撼大樹文章光燄萬古長却說杜陵無好句當時公論蓋未盡輸心也程克勤為作傳稱其詩豪邁奇崛名家退避豈其然乎然使不辱命死於疆場則誠豪傑之士矣

游仙

月照參差海上峰
颶輪度處滅行蹤
玄冥宮裏通宵宴

傳得新方解
拳一作龍

巨俠

獵火茫茫照四山
青衣小隊射生還
貂裘幾點輕盈雪

月照城門未上鏢

蘇平四首

平字秉衡海寧人舉賢良方正不就有雪溪魚

唱 陳廷器云二蘇旨趣高遠聲律和暢昭乎治世之音 李時遠云平詩溫柔敦厚自是可人 錢受之云秉衡與其弟正俱在景泰

十才子之列少時作繡鞵詩人呼為蘇繡鞵今委巷間猶傳之 詩話鄭谷鷓鴣崔珣鴛鴦謝逸蝴蝶袁凱白燕皆以一詩目之終身至蘇秉衡以繡鞵得名風斯下矣即其南陌踏青春有跡西廂立月夜無聲二語乃本於瞿宗吉少時香奩之作所云燕尾點波微有韻鳳頭踏月悄無聲也以吞剝而得虛譽怛怛已甚而秉衡妄為大言謂宋一代今體詩僅王禹玉元夕一律仿佛唐人高青丘詩二千首近體止吳女誦經一首可取爾當日鄒御史克明作三夸詩以秉衡為首其次湯公讓其次劉原博克明名在十子之列在同調亦不免嘲笑之他可知已

雜詩

彼美南國妹
婉孌貞且良
丹霞製為珮
明月懸為璫
白玉蓄光采
幽蘭含芬芳
見者咸歎息
不殊古姬姜
世無蹇脩氏
玉帛誰為將
默默處重闈
何曾下中堂
容顏豈

不好攬鏡徒悲傷但恐芙蓉花零落隨秋霜

寄金粟王公子

中夜百憂集攬衣起傷惶明月揚素輝列宿互低昂
耿耿河漢流肅肅鴻雁翔念我同心人渺渺天一方昔為
雙游魚今為孤飛凰援琴不成曲展轉憂思長豈無蕙
蘭花為君掇其芳道遠莫致之中懷徒自傷

塞上曲

戰馬聞笳鼓橫行出塞門隴雲凝陣黑殺氣入邊昏
決策平沙漠捐生報國恩猶慙漢公主萬里嫁烏孫

班婕妤

一自辭同輦深宮草又生甘隨紈扇棄猶記玉階行明

月愁中影流鶯夢裏聲笙歌前殿夜教妾若為情

蘇正一首

正字秉貞平弟有雲壑集

江南旅情

天涯為客久生計日蕭條旅思一作况頻看月鄉心獨聽潮

春歸江上早家在夢中遙無限相思意東風白下橋

蘇直一首

直字秉忠平弟有蘭畹集

詩話秉衡兄弟三
荆同株無分高下

送人東歸

東風官路柳依依目送鄉園賦式微晚渡雨晴孤櫂發

春江潮落遠人歸夢回野戍遙聞角家近滄洲獨掩扉
惆悵天涯同是客臨岐那忍又相違

蔣主孝 一首

主孝字務本儀真人從句容有樵林摘橐

無題

鳳輦春游繡嶺宮閑庭小雨落殘紅貞元朝士知誰在

一曲琵琶月正中

蔣主忠 一首

主忠字存恕主孝弟有集

錢受之云主忠與兄主孝太醫院判謚恭靖用文之子當時所

稱景泰十才子者吳下劉溥中都湯肅勳崑山沈愚海寧蘇平蘇正西蜀晏鐸四明王准戚里王貞慶或云洞庭徐震叔重也

芙蓉

清露下林塘波光淨如洗中有弄珠人盈盈隔秋水

沈 愚 十一首

愚字通理崑山人自號崆峒生有篔簹吳飲二

集

詩話景泰十才子才多下中通理特為翹楚同輩極其引重劉原博題其集云清如玉樹含秋霜麗如五色雲錦張琅然天外度靈響一曲一奏春風香蘇秉衡贈詩云玉山才子東吳英丰姿皎皎冰壺清骨中磊塊含元精騷壇少年推獨步天仙鬼仙何足數又云多君祇今英妙年已有新詩滿人口俊逸還凌鮑謝前清新肯落盧王後王善甫贈詩云玉山沈郎更瀟灑芙蓉秋水涵冰姿摩挲石壁寫新句毫端墨汁光淋漓虞州黃進士聞詩云多情才子惜春華樂府新聲對客誇朱雀橋邊舊游路東風開遍小桃花誦之可想見其人矣余初見吳飲集錄其三詩近東田學士示以先世手抄篔簹集私印尚存增益八首詩諸體皆清穩而絕句尤矯矯軼羣在劉白之間題画二首云汀浦短短柳珍珍三月桃花水滿潭攜酒抱琴同一醉人生只合住江南山邊臺榭水邊樓秋月春花足勝游平底画船如屋裏人生只合住蘇州通理兄弟四人愚魯質訥魯字誠學以學官弟子入塲屋望見諸生蓬頭赤腳歎曰待士如此士可知矣遂走出不復與試以文筆自娛嘗作劉過傳西楊見

而擊節曰如此人當以翰苑處之或勸其入都往謁不屑也訥字文敏
中正統壬戌進士仕至福建按察副使卒于官仲季皆能詩所著集不
傳學士誠學之雲孫也與予同
年入翰林述其家世本末如是

閩門柳枝詞 二首

小蠻能唱白家詞
笑把纖腰鬪柳枝
愁絕樽前春未老
風柳太守髻成絲
枝枝搖翠綰香車
占斷春風日未斜
記得皋橋舊游處
綠烟深鎖泰孃家

舊游即事

冶城東畔舊亭臺
寂寂朱扉映竹開
一樹碧桃都落盡
去年蝴蝶却飛來

寄淮南

江南相望路迢迢
風滿關河雁影飄
最好鳳皇臺上日
共誰攜酒聽吹簫

過桃葉渡

江花含笑欲爭春
江水籠烟柳色新
商女停舟唱桃葉
東風愁殺渡江人

石頭城

谷口青鞵踏軟沙
橋頭艇子載琵琶
春風何處尋芳好
盧女門前幾樹花

金陵九日

京華風物近佳辰
黃菊秋香漉酒巾
欲上鳳臺同一醉
客邊誰是故鄉人

閶門夜泊

絲絲楊柳拂官河烟際樓臺隔岸多此夜闔城下泊
滿船明月聽吳歌

旅次送晏振之

西風孤櫂楚江濱烟水殘陽照白蘋
底事送君情轉切只緣身是未歸人

旅次石城

水落寒江露淺沙斷隄烟柳集昏鴉
樽前冷笑陶彭澤三逕秋香負菊花

陳宮懷古

景陽宮井積浮埃三閣遺基半綠苔
惆悵後庭花落盡

黑頭江令獨歸來

鄒亮一首

亮字克明長洲人用薦授吏部司務遷南京監

察御史有鳴珂漱芳二集

錢受之云克明與湯公讓諸人共集湯豪伉不可一世克明每

氣凌之已而相折又相好也詩為劉

原博所推時稱十才子克明與焉

詩話克明受知於周文襄用况守伯律薦授官嘗撰詩宗韻海未就而

卒自稱梅崖亦曰藻菴居士病中自撰志銘謂脩短有數遺墓在長洲

縣金鵝鄉志中不及劉湯

諸子姓名非其所矜式也

長信宮

妙舞方承寵愁懷獨感傷金輿門外度紈扇篋中藏別
殿生秋月空階落晚霜涼飈如有意渾不到昭陽

王淮一首

淮字柏原慈溪人有大塊豪

錢受之云柏原博極羣書嘗與湯公讓遇於吳興慈

感寺以辨駁相夸詡對語移日不相下及徵青陵臺事各得其二柏原問公讓曰止於此乎復舉其一公讓乃歎服語太守岳璿曰柏原真行秘書也好作長歌下筆輒數十韻造語頗奇麗詩話伯原淹博號行秘書詩殊淺率

寄吳廷圭

雁叫新霜九月時客邊節物倍淒其風吹敗葉藤纏屋
雨濕疎花豆壓籬八跪蟹肥村店酒一行鷺促野橋詩
待君流水柴門下共醉殘陽倒接羅

秋夜書懷

破窗燈火黯淒淒一榻空齋抱影棲愁斷關河千里雁
夢回風雨五更雞田荒故國蒼苔遍路接長亭碧草迷
歎息此身緣底事十年蹤跡苦東西

王貞慶一首

貞慶字維善一字善甫定遠人駙馬都尉永春侯寧之子有茗芋集

錢受之云善甫亦十才子之一所稱金粟公子者也詩話善甫懷慶公主所出生於侯門而能脫去紈綺之習築別業於聚寶山中闢一軒繞以桂樹因自號金粟主人能書善飲酒名其詩曰茗芋集羊城陳廷器序之

送沈崆峒歸玉峰

客從東吳來暫向金華住看遍京華春更憶東吳去秦
淮橋頭烟柳青執手臨岐別恨生扁舟後夜知何處月
色江聲無限情

明詩綜卷二十一

明詩綜卷二十一

元

明詩綜卷二十二

小長蘆 朱蘇尊 錄

海昌 馬翌贊 緝評

彭韶 九首

韶字鳳儀莆田人天順丁丑進士除刑部主事歷官都察院右僉都御史巡撫蘇松召入為大理寺卿累轉刑部尚書卒贈太子少保謚惠安有從吾滯橐

靜志居詩話彭公以左僉都御史巡視浙江兼理鹽法憐亭戶之苦繪八圖上進各系以詩雖未盡工然有元次山春陵示官吏二詩風骨若臨江詞一篇慷慨激烈信足以起頑懦其云後來姦佞儒巧言自粉飾叩頭乞餘生毋乃非直筆蓋指修實錄者而言致高皇帝實錄一修於建文元年五月至三年十二月書成再脩於靖難後至永樂元年六月書成迨九年復修至十六年五月書成文皇帝實錄脩自洪熙元年五月至

宣德五年正月書成四次纂脩總裁楊東里一人均與焉即如書傳會
選許觀景清寔預纂脩之列今刊本猶書其名而實錄去之則建文諸
臣在洪武中嘉言懿行槩從刪削而顛倒其
是非可知已彭公所指斥殆為東里言之乎

經進鹽圖詩 八首

兩浙山水鄉古稱天地藏西望出吳淞東行踰鴈蕩利
孔非一塗鹽征為海王泉布充京儲芻糧助邊餉庶哉
用物宏生意不復暢薪桂與炊玉晨昏增感愴敝屋棲
寒蘆新畬倚孤嶂懷土思依依承家如草創

右鹽場圖

山木非不佳林麓非不侈百年生聚繁分業薄如紙朝
夕斧斤入不待黃落矣近伐慨山童遠入虞虎兕肩重
何足辭突黔良藉此而况煮海功昏夜無停止蒞薪苟
不力公私亦何倚歲歲事辛勤猶勝棄桑梓

右山場圖

海孺咫尺地一望如掌平材木不生植草莽徒敷榮廣
牧良有害泛取亦難成瓜分給亭戶表絕自經營繁霜
一以降百物俱彫零芻蕘忽萃止芟縛無留行輦運積
官所來歲事煎烹負荷非為苦願言公課登

右草蕩圖

旭日朝沮場欣茲風色競錢鏹密如鱗沙塗平似鏡汲
曬足灰泥層層白相映易地聚成堆再淋鹹始盛方池
藉以茅小竇暗通阱蓮實重且堅浮浮力能勝祇恐山
雨來一篲功未竟殷勤守餘瀝坐待滷池定

右淋瀝圖

醴液泛清冷牢盆戒脩潔分番忽後時及此旺煎月一
勺盡傾瀉萬竈俱焚熱沈沈紅霧收蹙蹙晴波竭斂之
白盈箕凝華燦如雪點檢入公私中心更煩熱荆妻慰
苦顏摩挲汗流血却歎戍邊人垂老有離別

右煎鹽圖

詩話煎鹽之法惟海濱居民晰之書生多未詳也惠安是時已具其槩然不若施宿會稽志所載靡有剩義今節錄於後云會稽亭戶煎鹽法以海潮沃沙暴日中日將夕刮鱗聚而苦之明日又沃而暴之如是五六日乃淋鱗取納然後試以蓮子每用竹筒一枚長二寸取老硬石蓮五枚納筒中一二蓮浮或俱不浮則薄薄不堪用謂之退蓮蓮子取其浮而直若三蓮浮則薄將成四五蓮浮則薄成可用謂之足蓮蓮或謂之頭滴然石蓮試以滴取最後升者為足蓮足蓮乃可驗滴有無足蓮者必借人已驗蓮滴較蓮之輕重為之然後為審編竹為槃槃中為百耳以篋懸之塗以石灰纔足受滴狀如中滴不滴而槃不焦灼一槃可煎二十過林下滴水或以他水維之但識其舊痕以飯甑蓋之於

中揆去面水至舊處元滴盡在所去者皆它水或以甑隔之亦可以他物則不可分矣孔融論云做算不能救鹽池之滴意蓋指此練化術云飲食過鹹以飯算竹數條炙之著其中則汁便澹蓋未易以理推也覽此讀惠安諸詩可以豁然無滯義矣

小汛風日好大汛潮汐平袖長應善舞課羨易為征歲
歉伊誰知寧分雨與晴衣食豈不急國計良非輕擔石
四面至倉庾一朝盈鹽官唱簿曆折閱頻呼聲况乃逃
亡多荒額重加徵展限諒未允努力事餘生

右徵鹽圖

三邊乏儲峙良賈勞委輸償以推海利子母多贏餘水
膏易消耗部屋難貯諸多年積逋欠折算盡錙銖渺渺
太湖畔盈盈東海隅雪山壓巨浪風帆恣所如每資藜
藿食亦薦王侯廚誰念味中苦搔首空躊躇

右放鹽圖

近寶固貧國厚貨亦貧民滷丁有常賦催目何紛紜侵
耗歲已久夤緣具虛文商算無從給鞭箠不堪聞富點
自當爾哀此顛連人稱貸不見售絲穀無餘新寬減逢
優恤感激謝皇仁滄海未終竭更始重辛勤

右追賠圖

臨江詞

臨江古名邦佳麗傳自昔豈不產異人為茲壯顏色云
何百年間不見有遺跡館人聞我言掩袂長歎息叩之
至再三欲語還踖踏為言有姦臣名字不記憶□□□
□□□□□□□□內臺司風紀適遭陽九厄飛簡論曹

魏戮力事討賊膠固不知幾祇顧順與逆□□□□□
奇禍嬰六戚茲事有始末賤子請□一神考早謝世太
孫推正嫡母妃開平家元勳載帝室隱然九鼎重姻婭
萬人敵嫌隙一以開讒言肆罔極居然尾不掉大都勢
耦國時有黃奉嘗澄子輕佻故無匹伴讀東宮中論事時
造膝一旦削王侯息惶何太亟細人暗大體國釁此焉
隙漁陽動地來六軍盡股栗齊公泰為司馬折衝乃其
職堂堂正正旗誓書嚴紀律內相方夫子孝孺早學富經
術倚馬草檄文樞機資密勿又有黃門陳迪自少稱英
特餘者亦黨人我今半遺失當其自靖時鼎鑊甘如蜜
之死矢靡他萬古常昭晰父母且不顧爵祿何能易寄

語謝諸親怨尤竟何益所貴士明志萬死奚足恤後來
姦佞儒巧言自粉飾叩頭乞餘生無乃非直筆聖人順
天命四海瞻堯日爾胡守戇愚甘心取族滅不覩解與
胡乘時附鳳翼恩寵日以加聲名垂簡策

徐貫一首

貫字原一淳安人天順丁丑進士授兵部主事
歷員外郎中出為福建參政遷本省右布政使
山東左布政使拜都察院副都御史巡撫遼東
召入為工部左右侍郎進尚書加太子太保卒
贈太保謚康懿有餘力橐

贈別張世禎

故人成久別邂逅客都城夜雨方論舊春風又送行鄉
關頻入夢雲樹遠含情迢遞清溪上相思對月明

王佐一首

佐字廷用天順己卯舉人福州衛籍官訓導以
子鼎貴封都御史有三留橐

宮怨

芙蓉帳冷減容光愁倚熏籠嬾著牀寒氣逼人眠不得
鐘聲催月下迴廊

詩話廷用是詩載集中候官曹能始十二代詩采之游用之夢蕉詩話
謂南寧伯毛舜臣留守南都灑掃舊內見別院牆壁多舊宮人題詠年
久剝落不可辨識其一署曰嬌蘭仙子書即此詩末二句也當出好事
者傳會不然裕陵定都北京之後康陵未南巡以前安有宮人以廷用
詩書之南

內壁亭

張元禎 一首

元禎字廷祥南昌人天順庚辰進士累官吏部左侍郎兼翰林院學士掌詹事府事天啓初追謚文裕有東白先生集

游東郊

招提回首日沈西十里香風送馬蹄不是習家池上飲
傷人休笑醉如泥

沈暉 一首

暉字時暘宜興人天順庚辰進士累官右副都御史巡撫河南有豫軒集

夏夜悼二

青雀西飛竟不歸芙蓉猶剩舊羅幃山齋十日黃梅雨
誰與熏籠夜焙衣

鄭紀 一首

紀字廷綱仙游人天順庚辰進士累官南京戶

部尚書有東園集

林雨可云東園詩得力于靜故能舉止安雅

詩話尚書無詩名然如古輕斜連江樹沒飢鳥低傷野人飛橋頭雨歇溪初溜天際雲收山漸多亦自琅然可誦

送林慎學之官

相送東郊去秋雲驛路寒祇因為客久欲別故人難馬
向花間度琴攜竹外彈歸來不覺晚月色滿吟鞍

秦夔 十一首

夔字廷韶無錫人天順庚辰進士歷官江西右

布政使有五峰遺橐

邵國賢云廷韶詩始馳騫中唐久之得其風格既而學杜復參諸蘇黃以下數

家故所就如此程克勤云公詩清麗豐蔚不名一家錢與謙云廷韶詩流麗有唐人風

東安道中

南人喜乘舟鞍馬非所便自我離京師陸行苦連遭長
驅竟終日黃塵暗幽燕平原莽千里四顧無人煙况茲
冬欲暮寒風正淒然霜嚴裂肌膚指直不得拳僕夫亟
告勞長跪向我前下馬語僕夫窮塗須勉旃丈夫豈兒
女壯志恒在邊微勞詎足惜去矣行策鞭

送人還松江

金陵城中花滿煙金陵陌上酒如泉送君臨岐一握手
欲別未別心茫然足馬遙遙向東去黃金作鞭光照路
長安雖好不如家翹首吳門隔煙霧君家遠在雲水鄉
正近吳王舊獵場海錯登盤玉脂滑鮮蓴出水銀絲長
荒亭鶴去空塵跡三高祠前秋月白惜君未得從君行
斜日無言正愁寂

登觀瀑亭

麻姑之泉天下名有泉不可無此亭奔流直下蒼崖裏
千丈玉龍飛不起鏗金碎玉聲潺潺恍惚置我匡廬間
銀河句好續不得日暮悠然騎馬還

同金廣信宗器遊番湖

番湖水落秋容冷碧色澄鮮三萬頃樓船嗷嘈何處來
十幅蒲帆弄秋影霜晴九月葭葦枯芙蓉著花秋滿湖

吳興已遠郭熙老誰為寫此秋江圖汀洲遠近迷雲樹
東去滄波急如注康山一髮天際橫傳是先皇洗兵處
當年血戰湖水黃日月照耀旌旗光鼎湖龍去不復返
只有鴈鷺飛茫茫天開大澤雄今古氣撼東吳及南楚
巴陵洞庭何處邊目斷潯陽送樓櫓北風獵獵握雙旌
此行奇絕如登瀛風波平地不須起向來魂夢今猶驚
浩歌蓬底還搔首却憶同行信州守萍水飄零盡白頭
相逢且醉餘干酒

贈虞永錫赴金庭塾館

西溪先生頭半白十年常作金庭客慣說金庭山水清
嗟余俗眼何由識新春示我山水圖金庭乃在東南煙
浪之具區洞天福地仙所都靈芝瑞草無時無危峰倒
插青天孤下涉阻險連重湖秋風颯颯吹黃蘆白波漫
天鴈鷺呼沙頭二老翁衣冠一何偉烏沙籠頭髮垂耳
笑看雲山弄雲水就中一叟豪且雄恐是近世天全翁
領客嘗遊湖水東脫屣富貴尋崆峒英賢遺跡轉眼空
好事寫入茲圖中不然胡為避世士被服却有今人風
余生亦愛金庭好對畫題詩心慄慄會約先生作勝遊
他日風流成四老

和謝武選齋居

長樂疎鐘曉龍墀細柳春天香飄御仗紫袖引才人萬
乘求賢切諸公奏疏新幸逢虛已日忠讜在忘身

過高郵

四顧無山色蒼茫入望遙城池百戰在魚蟹四封饒小市黃茅店孤邨白板橋停舟問民俗風景頗蕭條

久雨

劍外天常漏江南雨亦多陰雲連晦朔潦水接江河漫說禾生耳還聞麥化蛾憑誰問元宰調燮意如何

南山小隱

茅屋住山丘丘中事事幽茶香和雨摘果熟帶霜收石鏡當窗見山泉隔幔流何時謝軒冕來伴竹林遊

望泰山

中天積翠鬱重重勢入青冥望不窮山上白雲今古是

漢王虛信起封中

賞芙蓉

獨倚秋風取次開小園攜酒幾番來勸君莫惜花前醉昨日主人安在哉

陸
鈇一首

鈇字鼎儀崑山人天順甲申賜進士第二授翰林編脩遷脩撰陞太常少卿翰林侍讀時與張

泰陸容稱崑山三鳳有春雨堂稟

李賓之云張亨父陸鼎儀未第時皆

有詩名亨父天才敏捷奇思硬語人莫撓其鋒鼎儀稍後作而意識超詣凌空徑趨擺落塵俗雖或矯枉過正弗恤也詩話鼎儀與西涯同登第西涯時年十七鼎儀瓊林醉歸詩所云行過玉河三百騎少年爭說李東陽是也西涯好推挽人才求詩者至填塞戶限乃賦詩以止作詩鼎儀聞之失笑戲作八止詩貽之西涯申雞酒之約未踐也會謝鳴治陳師名促西涯題詠西涯遂渝止詩之約借謝

陳兩公載酒鼎儀邸舍李明仲羅亨父亦至即席分韻詩成書之卷軸鼎儀又嘗與陸文量飲朱懋暹宅有教坊弟子王秀侑觴夜深風冽琵琶絃屢斷主人以洞簫繼之秀舍絃按拍清歌數曲歌詞有學士波字蓋方言也鼎儀為賦詩紀其事有醒後空慙學士波之句當日諸公逢太平盛際翰苑風流經過輒成勝引予嘗過北平孫侍郎塾室獲觀西涯陵祀歸和鳴治騎字韻詩和者數十人裝成行看子足稱玉堂嘉話也鼎儀邸在新堤今已不知其處

三月八日與亨甫歸自城西

參差宮樹殿東西樹裏青山落日低回首旌旗猶未定
晚來風起玉河堤

李東陽 五十七首

東陽字賓之茶陵人天順甲申進士改庶吉士
授編脩累官少師兼太子太師吏部尚書華蓋
殿大學士卒贈太師諡文正有懷麓堂前後集

南行北上諸豪

徐子元云長沙大韶一奏俗樂俱廢中興宗匠

出而古樂府之意微矣 穆敬甫云李公才情兼美於何李有倡始功大似唐之燕許 王元美云李西涯如陂塘秋潦汪洋澹澹而見底裏又云長沙公少為詩有聲既得大位愈自喜攜拔少年雅俊者一時爭慕歸之雖模楷不足而鼓舞攸賴長沙之於何李也其陳涉之啓漢高乎又云嚮者於李賓之擬古樂府病其太涉議論過爾翦抑以為十不得一自今觀之奇旨創造名語疊出縱未可被之管絃自是天地間一種文字若使字字求諧於房中鏡吹之調取其字句斷爛者而模仿之以為樂府如是則豈非西子之嚮耶鄆之步哉 胡元瑞云成化以還詩道凋落唐人風致幾於盡墮獨文正才具宏通格律嚴整高步一時興起何李厥功甚偉是時中晚宋元諸調雜興此老砥柱其間固不易也又云國朝詩流顯達無如孝廟以還李文正楊文襄石文隱謝文肅吳文定程學士凡所製作務為和平暢達演繹有餘覃研不足是時厥後李何竝作宇宙一新矣 顧玄言云文正以大雅之宗推轂後進學既該博詞亦宏麗 錢受之云西涯之詩原本少陵隨州香山以迨宋之肴山元之道園兼綜而互出之金鐘玉衡之質朱絃清廟之音含咀宮商吐納和雅風流乎洋洋乎長離之和鳴共命之交響也 陳卧子云文正網羅羣彥導揚流風如帝釋天人雖無與宗派實為法門所貴 陳元孝云西涯樂府得古詩之遺風刺竝見含蓄可味使人自得於言外別為一格奚而不可

靜志居詩話文正弘獎羣英力追正始由其天材穎異長短豐約高下疾徐滔滔莽莽惟意所如其自序謂耳目所接興况所寄左觸右激發乎言而成聲雖欲止之有不可得而止者此自得之言也昔賢以大謝繁蕪為累大陸才多為患此翁亦然若其擬古樂府因人命題緣事立義別裁機杼方之楊廉夫李季和輩似遠勝之至或剛而近虐簡而似傲文之佳惡文正蓋自得之矣

申生怨

十日進一胙君食不得嘗讒言豈無端兒罪誠有名兒心有如地地墳中自傷兒生不如犬犬得死君傷天地豈不廣日月豈不光悲哉復何言一死以自明

繇山怨

五蛇上天一蛇蟄繇山經月火不滅君王恩重翻為讎不如放作山中囚君王有臣一非少貪天之徒但自保臣心見母不見君誰言母死非君恩今辰何辰夕何夕留與千秋作寒食

屠兵來

兒勿啼屠兵來趙宗一綫何危哉千金賣兒兒不死真兒却在深山裏妾今有夫夫有子死兵易立孤難九原下報無慚顏趙家此客還此友穿何故亡盾何走誰言趙客非晉臣當時嬰杵為何人

新豐行

長安風土殊不惡太公但念東歸樂漢皇真有縮地功能使新豐為故豐人民不異山川同公不思歸樂關中漢家四海一太公俎上之對何恩恩當時幸不烹若翁淮陰歎

營門晝開齊犬吠蒯生相人先相背古來鳥盡良弓藏
近時刎頸陳與張功成四海身無地歸楚楚疑歸漢忌
極知猶豫成禍胎時乎時乎不再來君王恩深辯士走
淮陰胸中血一斗婦人手執生殺機赤族不待君王歸
君王歸神爲惻獨不念秋毫皆信力

殿上戲

殿上戲丞相嗔丞相勿嗔吾弄臣臣可弄不可狎節使
不來臣已殺君王有道臣職遂細柳營中親按轡

文成死

文成封五利封神仙只在東海東文成死五利死天下
神仙皆妄耳漢家武皇帝者英昔何惜矣今何明君不
見百年身萬年計前秦皇後唐帝

姦老革

姦老革天下能有多許賊潼關以東大有人悔不盡殺
東都民民不欲多多即亂安得龍舟數千夫八萬君不
見江都城外人圖儂那能更到丹陽宮

卿勿言

卿勿言朕自思南詔覆師君不知卿勿憂朕自保范陽
弄兵苦不早卿邪誰邪高與楊非姚非宋還非張有言
如此尚不用豈有藥石鍼膏君不見咸陽老人能直
諫何曾得覩君王面

青巖山

青巖山甄郎高風不可攀祿山使者封刀還入東京見
黃蓋帝敕僞官階下拜鄭虔貶死王維生故人獨有蘇
源明君不見舞象悲啼樂工哭賊斫工尸分象肉

司農笏

司農手中無寸鐵奮笏擊賊賊腦裂賊雖未死氣已折
奉天天子雙淚橫十年棄卿真負卿臣身區區勞記憶
平原太守曾未識

十六州

契丹助晉兵一號三十萬晉人報契丹一數一匹絹三
十萬絹未足惜一十六州空棄擲遂令宋統成偏安中
原以北無幽燕金元相承二百載慟哭衣冠化兜鍪至
今五鎮接三邊不備西陲備東海

安石工

端禮門金石刻丞相手書姦黨籍長安役者安石工不
識人賢愚但識司馬公卑疎不敢預國事幸免刻名為
後累匹夫憤泣天為悲黃門夜半來毀碑碑可毀亦可
建蓋棺事久乃見不見姦黨碑但見姦臣傳

參謀來

新將代舊將去參謀來軍有主受命犒不受戰參謀行
真獨斷宋家養兵二百秋大功竟屬書生收翻令媿死
劉揚州君不見陝西歸來笏畫地遺恨他年六州棄

兩太師

和議是塞外蒙塵走天子和議非軍前函首送太師議
和生議戰死生國讎死國恥兩太師竟誰是

花將軍

花將軍身長八尺勇絕倫從龍渡江江水渾提劍躍馬
走平陸敵兵不能逼主將不敢嗔殺人如麻滿川谷徧
體無一刀鎗痕太平城中三千人楚賊十萬勢欲吞將
軍怒呼縛盡絕罵賊如狗狗不信檣頭萬箭集如蝟將
軍願死不願生作他人臣郤夫人赴水死有妻不辱將
軍門將軍侍婢身姓孫收尸葬母抱兒走為賊俘虜隨
風塵寄兒漁家屬漁姥死生已分歸蒼昊賊平身歸竊
兒去夜宿陶穴如生墳亂兵爭舟不得渡隋水不死如

有神浮查為舟蓮為食空中老父能知津孫來抱兒達
行在哭聲上徹天能聞帝呼花雲兒風骨如花雲手摩
膝置泣復歎雲汝不死猶兒存兒年十五官萬戶九原
再拜君王恩忠臣節婦古稀有嬰杵尚是男兒身英靈
在世竟不朽下可為河嶽上可為星辰君不見金華文
章石室史嗟我欲賦豈有筆力回千鈞

尊經閣

尊經閣閣高不可攀前有文宣宮後有鍾陵山

玉堂下直

岸幘斜陽下疎林開遠山新涼灑衣袂爽氣清容顏林
端見初月素彩生雲間褰裳步花影欲動愁闌珊向來

竹林遊暫到已復還寧知一畝內迴若離市闌浮生且
為樂及此一日間

陳玉汝所藏朱澤民畫

睢陽書家流作畫如作草松根石峻增健筆凌絕島垂
蘿飄人衣盤石坐不埽鳴琴聲差差石籟風稍稍君看
蕭散姿稱彼林下老遺縑百年內嵐氣濕不槁陳郎湖
海情得此恨不早我生不學画入眼分醜好嘗觀耆舊
傳歎息風流少此意君獨知丹青安足道

師召席上餞邵文敬戶部使淮安得作字

玄雲鬱重陰霖雨久逾大平田偃頽波萬彙同一挫繫
繫黍穗落百畝不盈箇淮陽舊官麥未足供甑磨穉稗

價亦增誰能問稔穡官租苦未給生理安可作城市多
游民山林有遺餓流離及溝壑去住總無那地連兩畿
邇業恐千家破近聞恩詔下已放今年課漢臣發諸廩
唐法通百貨王事須賢勞地曹有良佐名辭鴻臚籍檄
自尚書座行哉車馬艱詎免泥塗沉東南民力竭要使
皇仁播官雖問升斗職豈在揚歎平生翰墨場珠玉生
咳唾簿書劇裁決餘暇得酬和羣情恣幽眇品類入捺
邏德澤乃膏腴文章比糠莖舉世輕迂譚茲言我當坐
偶託平生交因君識吾過君當策勳伐極力起貪懦聊
因贈行什預卜還朝賀

題王維詩意圖

平田渺成湖仲夏月多雨汀鷺濕不飛林鶯澀還語邨
煙多乞鄰饁餉常及午柴門無鎖鑰出入隨杖屨白鷗
似相識亦足忘爾汝王丞詩家流畫格亦天與君看百
代遺摹榻尚如許吾生慕丘壑偶此繫冠組試問松下
翁幾人同出處

送錢先生致仕得臆字

成化己亥冬公來自南國維時龍興節奉表宸旒側入
朝未浹辰具疏寫衷臆臣年七十二鬚髮不復黑乞身
謝圭組歸老東南域願爲南極星中夜常拱北時當太
平世聖壽千萬億臣雖在畎畝永荷陛下德聖皇眷耆
舊曰汝予輔翊古稱老成人豈獨賴膺力吾當獎休退
卿意誠悃幅加官號冢宰名位班九棘馳封及三世茲
典尤絕特公章再入省請解尚書職臣方避華要而敢
蒙顯陟王言重丁寧公意增感刻願書歸榮字堂扁揭
華織江山佳麗地從此生顏色再拜送公歸臨風遠相
憶

困暑次韻白洲

高堂遞晴陰炎熇氣呼闕燔同洪爐然溽入厚地黯繁
星夜方搖淫雨晝仍濫炎光石成焦暝色山帶靨羲輪
燄赫赫雷轂聲轆轤龜坼行在田濤翻坐平檻占風想
乾鵲吠日驚蜀獮彼浴空羨鳧吾冠不如蠶甘泉冷將
濯惡木繁可斬快心甘獨勞炙手竟誰犯周扇懷仁風

陶窗仰清範雖無簿書煩頗覺餐食減顰爲窮兒愁怒
作壯士喊亦有歲寒交綈袍義思范豈無雪夜訪杯酒
情憶湛天時手中環世事波上艦晚尋東籬菊秋種南
山躡思君正執熱有袂不可摻

賀鼎儀遷諭德得檢字

華蓋天穹崇青宮地深儼同時侍從臣一一皆妙檢陸
君偉文行不抗亦不諂銛如囊中錐穎脫不受掩年勞
秩屢遷德諭官曷忝名厪黼辰記薦豈公卿剡平生耐
官職寵極翻自斂須知啓沃功不獨事編檢姓字符鼎
彝文章歸琬琰非才獨慙予同第名久玷交游二十年
道義足薰染攀躋竟何能時歲驚荏苒勲業乃攸期榮
光詎相豔努力當壯齡時哉此其漸

示用兒效玉川子作

夜坐苦不樂作詩示用兒用兒爾何來來自東南陲自
言廣西人州縣已忘遺但知姓李氏世業本巫醫家有
三頭牛有田可耘耔當年靖州蠻作亂勞王師夜聞狼
兵到勢若虎與貔我耶被殺死血肉交淋漓我孃亦被
虜存亡未可期官司簡少俊閹割隨俘累用兒年十三
廣穎身厄羸生來左目瞽幸免殘膚肌紅船載白粳驛
遞來京畿兵曹奏名籍給配在有司臣愚本無功恩與
公侯齊用兒亦何物御筆蒙親批彤庭頓首謝髻巾歸
提攜煮羹爲汝餐縫帛爲汝衣役不忍汝勞過不忍汝

日言錄卷二十一
答居遣用兒侍行令用兒隨殷勤語子姪慎勿陵虐為
丁寧戒僮僕疾病相扶持緬思先皇德欲報何能追賜
生尚必畜况此非豚雞今皇兩僮賜本出思恩夷岑梁
年十一吳也二歲差渠視汝為兄汝可弟視之班行若
鴻鴈戲弄吹埴篴渠小不足責汝長教所宜用兒爾來
前訓汝好言詞清晨起必早日暮眠當遲操畚埽廳堂
汲水澆園畦客來捧茶果客去收書棋有口莫喫酒酒
醉死路岐有手莫做賊做賊送頭皮人生無貴賤但問
所從誰長為官人奴勝作獍與黎用兒爾誠駮告汝汝
不知垂頭睡莫對吾自吟吾詩

習隱二首

唧啞復唧啞隔牆聞水車車翻水汨汨如在東鄰家常
軒理嘉樹倚檻移新花一澆潤枯槁再濯無塵沙濟川
恐無用學圃良非差房山有南畝海子餘西涯安得謝
簪纓悠悠送年華

暑雨忽新霽曾軒開碧山浮雲避素月夜色明松關流
螢遞隱見宛在深林間埽石坐彈絲天風下鳴環瓊樓
正在望佇立難為攀

夜過邵伯湖

蒼蒼霧連空冉冉月隨水江湖日浩蕩行役方未已羈
棲正愁寂况乃中夜起

長江行

大江西來是何年奔流直下岷山巔長風一萬里吹破
鴻濛天天開地闢萬物茁五嶽四瀆皆森然帝遣長江
作南瀆直與天地相周旋是時共工怒觸天柱折遂使
后土東南偏女媧補天不補地山崩谷罅漏百川有崇
之叟狂而顛坐看萬國赤子淪深淵帝赫怒罰乃罪神
禹來乘四載驅大章走豎亥黃龍夾舟穩不驚直送馳
波到東海朝離巴峽暮洞庭九派却轉潯陽城縈紆南
徐萬餘里更萬餘里通蓬瀛君不見黃河之水天上下
其大如股空縱橫長淮清濟出中境曷敢南向爭權衡
千流萬派瑣瑣不足數雖有吐納無虧盈下亘厚地上
摩高空日月出沒蛟龍所宮奇形異態不可以物象但
見變化無終窮或如重胎抱混沌或如顛氣開穹窿或
如織女拖素練或如天馬馳風駿空山怒哮飽後虎巨
壑下飲渴死虹或如軒轅鑄九鼎大冶鼓動洪鑪風或
如夸父逐三足曳杖狂走無西東或如甲兵宵馳聚嘯
滿山谷或如神鬼晝露萬象出入虛無中吁嗟乎長江
胡為若茲雄人不識無乃造化之奇功天開九州十有
二山南北竝峙江流其間堯舜都冀方三苗尚為頑魏
帝倚天歎征吳但空還吁嗟乎長江其險不可攀古來
英雄必南驚我祖開基自江渡古來建國惟中原我宗
坐制東南藩始知天險不足恃惟有聖德可以通乾坤
長江來自西極包人寰環帝宅吾來何為為觀國汎吳

日言終卷二十一
濤航楚澤壯神功歌聖德聖德浩蕩如江波千秋萬歲
向山河而我無才竟若何吁嗟乎聊為擊節長江歌

風雨歎

壬辰七月壬子日大風東來吹海溢崢嶸巨浪高比山
水底長鯨作人立愁雲壓地濕不翻六合慘澹迷乾坤
陰陽九道錯白黑烏兔不敢東西奔里人蒼黃神屢變
三十年前未曾見正統甲子歲東邨西舍喧呼遍牒書走報州
與縣山旆谷洶豺虎嗥萬木盡拔乘波濤洲沈島滅無
所逃頃刻性命輕鴻毛我方停舟在江皋披衣踞牀夜
復晝忽掩青袍涕雙透舉頭觀天恐天漏此時憂國况
思家不覺紅顏坐凋瘦潼關以西兵氣多蘆笳吹塵塵

滿河安得一洗空干戈不然獨破杜陵屋猶能不廢嘯
與歌世間萬事不得意天寒歲暮空蹉跎嗚呼奈爾蒼
生何

夜過仲家淺開

日維乙未月丙戌青天無雲月東出舟人喧逐夜濤發
翻沙轉石紛出沒是時水淺舟在地牖門崔嵬晝方閉
牖官醉睡夫走藏倉卒招呼百無計民船棄死爭赴牖
楫倒檣摧動交碎舟人號咷乞性命十里呼聲震天地
我時兀坐驚春撞攬衣而起心徬徨同行無人僕隸散
獨與船底相低昂攀崖陟磴不得上咫尺如在天一方
流行坎止信有數向來蔑視淮與江霜風欺人衣袂薄

呼童酌酒累數觴燈殘酒醒牖亦過北斗墮地天茫茫
送平江伯陳公總督脩河兼簡劉都憲時雍

黃河西來忽東決張秋舊堤先受齧奔波赴海勢不停
百里漕渠一時泄官船賈舶如山壅河底沙乾日欲裂
九重南顧回舜瞳三命中朝持漢節陳公舊是恭襄孫
奕代簪纓萬人傑爭誇仙種非凡材復道家傳有真訣
兵符夜檄鯨鯢走將令晝驅雷電掣指揮能事天地回
坐計功成同解結時方六月霖雨多地苦沮洳况炎熱
民窮到骨聲徹空忍使鞭笞汗成血極知國計須元氣
乍可因時治癥瘕比聞水發舟已通暫遣丁歸待農輟
三犀永作洪濤鎮一蟻不潰金隄穴古來大事當遠圖

豈論竹頭兼木屑慣從前史鑑興衰已聽高譚能激切
湖南中丞久奉使頗覺憂勞成耄耄因公寄謝平生交
自媿官曹容逸拙

靈壽杖歌

吾聞武當之山四萬二千丈半在雲根半天上不知三
十六宮何處稱絕奇產出靈株非一狀蛟螭蟠拏露頭
角熊經樹顛虎山脚根盤節錯相糾纏合風飽雪經炎
寒九年洪水之水浸不殺十日之日暴烈何時乾梯懸
磴接跬步不可上誰采青壁紅琅玕見之羨者不容口
錫以嘉名曰靈壽爪之不入行有聲金可同堅石同久
吾家此物舊所有神與相扶鬼為守自從病足跛曳不

得前已覺山林落吾手一病經旬不出門手中此杖嗟
猶存下牀敲足立不定此時託子以為命不顧四體無
微疴但願謝病歸山阿左扶右策夾以二童子下可涉
園徑上可凌坡陀願栽萬本截萬枝窮崖陰谷生森羅
靈兮壽兮此物儻可致直遣四海赤子頭雙瞻

題黃宗器秋官所藏何太守山水圖

濕雲浮空山欲動亂壑回峰互吞湧當溪獨樹雨冥冥
青苔覆地春陰重深山白石幽人居釣簾寂寂坐看書
竹橋入林野有簌草閣傍水門無車行人細路隔山脚
曳杖前登後還却浦口輕舟信往還鐘聲遠寺空寥廓
此中可釣亦可耕不然且濯滄浪纓酒酣夢覺兩相失
此興豈獨憐丹青風流太守何侯筆三十年來已蕭瑟
君今愛惜須久傳予亦題詩坐終日

劉尚質南樓題王舜耕山水圖

溪聲潺湲雜林壑山勢蜿蜒去還却浮雲欲起未起時
半在溪頭與山脚入空高鳥飛欲盡背屋斜陽慘將落
更無剩地與閒人縱有紅塵何處著南畝老翁雙鬢斑
筆法頗似高房山少年豪宕老疎放往往醉墨留人間
平生畫癖兼山癖一見此圖三歎息媿我不如樓上人
日日開窗看秋碧

張侍御世用所藏山水圖歌

秋山日落川氣黃樹影下映寒潭蒼叢篁入林豁蒙翳

石角路轉山東岡茅堂對山復面水高者可展深可航
閉門却埽動經月落葉委地苔覆牆豈無山客跨款段
亦有孺子歌滄浪吾生早覺簪組累十年丘壑成膏肓
畫圖彷彿見此景褰裳欲渡川無梁空堂五月燠如火
使我鬱塞迴中腸安得盤陀一片石坐醒殘醉生餘涼
君今持節行萬里要遣霜雪清炎荒請看窮谷最深處
或有隱逸藏聲光揚清激濁付公等吾欲拂衣辭太倉
書蒙翁先生書画卷後

蒙翁書法天下豪坐驚風雨隨波濤有時意匠入幽眇
力與造化爭纖毫仰觀千年俯一世紛紛弄筆皆兒曹
書家論定價亦定須識我翁人品高戲將水墨灑縑素
如飫梁肉甘醯糟殘山剩水世莫覩流落數紙青蒲萄
一登翁門遂隔世齒頰未獲霑餘膏如遊神山見石髓
頃刻再往不復遭莆田鄭郎得寶藏明珠雜佩金錯刀
摩挲兩眼百過讀使我涕淚盈青袍三年留玩一朝去
久假似覺歸心勞泰山東顏日西隋欲往從之中鬱陶
詩成起立歲將暮空庭短髮空蕭騷

徐用和侍御所藏雲山圖歌

何人醉寫雲山圖浮雲瀕洞山模糊空明射地日漏影
稍覺林樹開扶疎平原蒼莽不知處忽有細路通榛蕪
茅堂枕山半閣水卷幔正對前峰孤幽人深居不出戶
縱有鄰舍無招呼低頭把卷苦吟諷語暗不辨楚與吳

中流擢歌似相荅欲斷未斷聲嗚嗚雲多水闊望不見
知是滄洲舊釣徒長安六月晴復雨若非塵土還泥塗
城中見山如見画剛可髣髴求形模山猶可見水莫涉
尺潦豈足容長艦十年舊遊憶南國歲月催人非故吾
鸚鵡洲前漢陽樹此景此詩今有無因君此圖意披豁
便欲買擢遊江湖

華山圖歌為喬太常宇作

嗟哉此山吾不知其幾千丈兮但見巍然屹立乎天中
中有三峰聳拔而直上部位離立西南東諸峰羅列在
其下有似長老隨兒童縱令立表以識不得算雖有記
里之鼓難為功我聞上古之世開鴻濛沙水盪汨相結

融融者為泥滓結者為石為山峰石堅山積理亦爾試
看崛拔斬削別有造化之神工山名五岳此其一特出
似異衡與嵩天門重重隔煙霧鐵鎖懸厓引長路摳衣
欲進苦不前十步行時九回顧山腰流泉如瀑布仙掌
撐空若承露虎踞龍蟠各有形鸞鶴舞紛無數置身
忽在中峰頂極目乾坤莽回互秦關蜀徼阨塞豈足論
遙指扶桑最高樹噫吁噫自有天地兮即有此山萬物
代謝兮山巋然古人今人到者相接踵誰復騁步窮其
巔我生好古厭塵俗險絕獨慕昌黎韓昔年南遊復東
眺二嶽只尺不一攀有客西來詫我以大觀歌聲上徹
秦雲端画圖指點向空廓已覺天上非人間喬生喬生

如此好奇者世不可以多得安得與子一日遍歷千巒
吮

王孟端竹長卷

九龍山翁興豪放手持蜿蜒青竹杖酒酣怒擲江中流
化作一龍長數丈一龍躍起一龍隨倏忽羣龍駭奔浪
穿沙觸石連雲霧頭角森森各相向其間小者稱籜龍
鱗甲蛻盡風神同人道此翁善劇戲造化乃在指掌中
君不見九龍山翁去何許九龍山上多風雨素壁空堂
杖影寒夜半無人作龍語

鍾欽禮雲山圖為史都憲天瑞題

江南画史誰專門會稽老鍾清且温圖成長練置急雨

筆墨滅盡風神存陽厓陰谷半明翳上有煙雲時吐吞

深林蒼鬱石塊磊野水不斷天無痕當其得意每自許

傲睨恥受王公尊勾餘拙翁善墨竹史號勾餘一拙二者異法須

同論謂渠畫格自有派房山之子南宮孫手持此圖自

東海海色尚帶扶桑暎千巖秋聲萬壑樹只尺不辨東

西邨幽亭野集者誰子似有賓主無琴樽問之不荅若

莞爾物外別自成乾坤我生愛山復愛竹對此病目開

餘昏君看巖谷最深處好著數箇蒼筤根

題丁御史同年墨竹走筆長句

浙江之東縣新昌乃在千巖萬壑之中央側身重足恐
無路五步一澗十步岡君家茅屋此卜築白石叢抱青

篔簹西接林薄南通塘低者出地高出牆江南此物賤
如草買種不費鍤與筐野生石迸小如指一夜風吹還
尺強煙鉏雨櫛歲屢改舊葉換盡新梢長青苔白石淨
如埽吳紵越羅生雪霜脫巾箕踞坐其下野叟林夫相
與狂吹洞簫飛羽觴鳴玉琴舞霓裳陰風颭颭左右至
耳熱不受秋山涼醉中恍惚無定所顛倒萬籟隨宮商
忽如壯士入沙場鐵騎夜蹙陰山疆不聞鼓角動但見
矛戟森開張忽如仙人來帝傍翠環金節聲鏘鏘不聞
鸞鶴叫但見雲中雙鳳皇蛟龍起舞鬼陸梁復如扁舟
渡瀟湘九疑山前鷓鴣泣二女聞之雙斷腸是時騷人
醉半醒孤棹萬里回滄浪十年宦游隔江海此興落落
何由償深知良工心獨苦愛画不減青琳琅往時王孟
端近者夏太常二公之畫世所藏此物何為在君堂君
心自有百鍊剛見此意氣俱飛揚烏臺退食宴佳客看
竹不礙肩輿郎我當攜琴載雙鶴坐子林間青石牀

錢唐江潮圖為喬少卿希大作

錢唐江頭江倒流中有潮聲號萬牛堆銀如山雪如屋
遠影滅沒當空浮千峰將頽樹欲禿海若股栗天吳愁
來船歡欣勢自下瞬息千里無淹留去船乘危貴得正
力盡一過且復休躋攀分寸偶失手頃刻下飽黿與鱉
由來咫尺不自覺遠望不敢凝雙眸客來未到膽已落
借問同行還見不何人嬉笑欲起舞越東老翁搔白頭

羣兒招呼或助叫倏忽過耳風颼颼達士遐觀得奇賞
七澤五湖同一漚天道虛疑月盈缺世情妄假人恩讎
復將險巧作戲劇鄉里少年誇善泅潮來潮去亦何意
人間萬事良悠悠我時渡江不相值空對燕客談杭州
壯懷高興兩莫遂三十五年秋復秋誰將妙思入畫本
似與造化爭雕鏤酒酣月落不知處夢醒尚作江南遊

題湖山春曉圖

湖船著水平無舵篷上使篙篷下坐山光四面錦屏開
橋影中天彩虹卧輕鴉拂樹還千點老鶴叫空時一箇
宴客遙將綺席隨游人不惜青鞵破江南風物今餘幾
看画題詩兩無那却恐湖山画不如他年自買扁舟過

子昂画馬卷

翰林學士真天人平生書画皆通神自言少小嗜毫素
寸紙遍作雲煙痕老來意態盡物理画馬欲過曹將軍
此圖似出西域種骨法權奇氣軒聳將身蹴地踞不前
矯首見人驚欲踊燕家死馬猶堪賣况此風神解飛動
在野須教一顧空登臺未覺千金重崔郎愛画復好奇
向來得此信且疑為渠指點是真跡老我聰明非昔時
圖窮忽見銀鈎筆復訝驪珠海中出江南贗本今已多
入眼自須分甲乙世人得者惟見一至寶逢時故難匹
從此高堂展玩頻明窗淨几無長日

題許廷冕職方畫

路轉循岡背橋回傍水根幽人不到處茅屋自成邨浦
樹經秋落山鐘向晚昏偶然一攜手相與倒芳樽

太皇太后輓歌詞

北郭車塵遠西陵樹色重地棲華表鶴雲逐鼎湖龍命
使三時奠空山半夜鐘他時駿奔地冠佩想追從

九日渡江

秋風江口聽鳴榔遠客歸心正渺茫萬古乾坤此江水
百年風日幾重陽煙中樹色浮瓜步城上山形繞建康
直過真州更東下夜深燈火宿維揚

胡忠安公輓詩四十韻

文廟臨朝日英皇復辟年我公台鼎貴臣職始終全舊

錫恩榮榜仍居侍從員阜橐繁出入彤陛儼周旋擾擾

羣疑會皇皇四牡篇路應窮地軸歲屢變星躔公受密命

前後十有七年曉謁班留筍宵歸炬擁蓮至今天上語不遣外人

傳少海驚波定金滕密疏虔論功同李泌辱命豈張騫

南國非旁郡東僚亦左遷獻陵貽睿想宣室問遺賢典

禮煩咨岳為舟憶濟川廟廊資治理帷幄贊兵權討逆

東平漢從征北過燕從容陳俎豆談笑却戈鋌仗鉞風

塵際留司雨露邊兩曹兼掌握三少累登延紫誥蛟龍

織珍羞玳瑁筵篆分銀印細花簇錦袍鮮榮戟城西第

桑麻海上田雲霄三接近優遇一時專綠野家山在丹

心聖主憐挂冠雙鳳闕歸權五湖船老子元知足陶朱

不愛錢弟兄頭總白賓客戶常闐面受婁公唾身無董
氏弦恩魚隨網散馴犬上階眠公有犬當庭卧
公出入必避之碑板尋常見
醫方次第詮甕留京口釀餅引惠山泉壽愷堂何媿忠
安謚有焉相台秋正拆卿月夜虛圓異骨殊凡品前身
本解禪公自言天池
和尚後身浮生過九十空界出三千海內文章伯
人問富貴仙姓名兒女說簪笏子孫聯桃李當時盛葭
葦後代連高山嗟仰止先輩已茫然日月居諸裏江湖
涕淚前賦詩禪國史詎有筆如椽

吉安府

山勢西來斷江流北去平萬家深樹裏聞是吉州城

見月

野宿秋雲暝溪行曉霧寒歸心與明月夜夜到長安

西園秋雨詠苔

豈不愛佳客畏人踐我苔西園十日雨三徑不曾開

慈恩寺

水繞湖邊樹花垂石上藤長來寺前坐不識寺前僧

嘉杭道中

煙籠近浦沙白雨急長溪水渾一夜江頭潮滿釣船撐
到柴門

春園雜詩

三月三日佳麗辰五十五年衰病身閉門一枕午時夢
江草江花無數春

長沙竹枝歌 二首

馬殷宮前江水流定王臺下暮雲收有井猶名賈太傅
無人不祭李潭州

江頭彩旗耀日明船上撾鼓不停聲湖南樂事君記取
五月五日潭州城

謝鐸 一首

鐸字鳴治天台人天順甲申進士選庶吉士授
編修歷官南京國子祭酒移疾歸起為禮部右
侍郎掌祭酒事卒贈禮部尚書謚文肅有桃溪

淨橐

李賓之云方石詩
著堅定非口耳所到

桃溪

淺水難容權繁花自作邨分明幽絕地不是武陵源

倪岳 一首

岳字舜咨由錢唐徙上元中天順甲申進士累
官太子少保吏部尚書贈少保謚文毅有青溪
集

新春感事

烽火邊城鼓角悲黃沙漠漠北風吹關山遠隔雲中戍
車馬新屯灞上師賈誼有才思報國杜陵多病尚憂時
侍臣誰有如椽筆擬撰燕然第二碑

劉大夏 一首

大夏字時雍華容人天順甲申進士選庶吉士

改兵部郎中歷官右都御史總督兩廣拜兵部尚書卒贈太保謚忠宣有東山集

詩話忠宣謀猷是經王室倚賴李景文東山草堂歌九重移榻數召見夾城日高未下殿英謀密語人不知左右微聞至尊羨明良景象百世

送別

離筵酒盡淚霑衣別後憑誰問是非午夜夢回明月在天南天北共清輝

姚綬七首

綬字公綬嘉善人天順甲申進士授監察御史謫知永寧縣告歸有穀菴集

詩話吾鄉丹丘先生成化中以侍御謫知永寧縣集中永寧有感簡周縣諭詩云孤臣漂泊萬山中家住鴛鴦湖水東為縣底須論地僻謫居

應不笑文窮五株柳樹無端綠一點榴花作意紅百八灘頭船可買思
尊何必待秋風遂以母老辭歸今府縣志但云出知永寧錢氏列朝詩
集加一府字誤矣吉安秋官表可稽也先生初號穀菴居大雲寺之東
亦號雲東逸史又自稱蘭臺逸史天田老農上清仙吏癡仙仙癡菴霞
碧月翁家有振衣亭出乘滄江虹月之舟粉窗翠幕吹竹彈絲望者以
為水仙畫書詩皆逸品戶部郎江陰下蔡贈詩云西崦新為野東橋近
在桐太常卿同郡呂憲贈詩云兩屐登山輕上下一橋分宅作東西尚
書烏程閔珪贈詩云松徑埽雲招野鶴画船搖月買晴虹皆實錄也先
生吟情甚敏今穀菴集所載不及什一吾宗寒中上舍購得先生七律
多至二百餘又從書画家儲藏真蹟所見尤不少念遺集為先生手定
故集外詩
不多錄云

前有尊酒行

前有一尊酒俎豆亦共之青春未晚日桃李花開時且
懽娛無刺促尊若空酒再續

有所思

我思不在天上虎豹之九關我思不在海上三神山

苓芄芄繞晴麓隰榛翳翳沿清灣朝煙散孖雙鶴外夕
月落兮斷猿間跂予望之心孔殷奈何可望不可攀吁
嗟西方美人予何日還

飛龍引

龍不可騎帝騎之鼎湖一去無還時髯拔隨弓五雲裏
小臣空抱烏號悲飛龍飛龍何不載帝還宛移天宮之
樂來人間勾漏朱砂鍊作丹俾我人人竊服亦得永保
冰玉顏望龍仰天歌此曲君不見龍來復

溪居

水暖鷓鴣浴花香蛺蝶飛青絲聊繫酒白苧已成衣溪
闊容蘭槩林深著板扉留賓將薄暮猶待釣魚歸

湖上雜言

桃李漫山白間紅繞湖樓閣晚煙中客船慣向灣頭泊
不畏波濤夜半風

追次張伯雨韻

春暮雨晴池水添夜深池面漾新蟾刺桐花影氍毹動
不省虛亭是隔簾

贈曹竹西畫幀題

白下追遊記昔年青山如画樹如煙郭家歌舞楊家酒
一度尋思一悵然

張泰一首

泰字亨甫太倉人天順甲申進士選庶吉士授

簡討遷脩撰有滄洲集

李賓之云先生詩縱手迅筆眾莫能及其其凝神注思窮深騫遠一字一句寧闕然而不苟用晚乃益為沈著高簡之辭而盡斂其峭拔奔洶之勢蓋將極于古人而不意其遽止也 唐元薦云成弘間藝苑則以李懷麓張滄洲為赤幟而和之者或流于率易

游江詞

仙人天上好樓居門外離離種白榆一曲洞簫吹向月夜深驚起海中烏

倪輔一首

輔字良弼平湖人天順甲申進士官湖廣參政有類劇藏橐

題竹送昌世僉憲四川

春明門外斷秋風夢隔煙花紫禁中何處竹枝傳別調

子規殘月在巴東

陳音一首

音字師名莆田人天順甲申進士官至太常寺卿有媿齋集

重九會白雲觀分韻得然字

長春宮觀鎖寒煙駐馬斜陽老樹邊白鶴不歸雲影外黃花仍放酒杯前空餘譚馬王劉像莫辨龍蛇虎兔年燕子蹉跎重九至西風落帽一淒然

沈祭一首

祭字元節平湖人天順甲申進士歷貴州參政有頤貞集

再遊清溪

再發扁舟興茲游不厭重溪山元有約昆弟且相從北
渚水銜月南皋雲在松誰云秋意晚猶及采芙蓉

閔

珪一首

珪字朝英烏程人天順甲申進士累官少保兼
太子太保刑部尚書贈太保謚莊懿有集

題翫芳亭

羣芳掩映草亭虛知是元龍舊日居滿地綠陰新雨後
一簾香霧午風初屏開屈戌春無際人倚闌干畫不如
容我數來閒坐久愛臨流水看芙蓉

明詩綜卷二十二

